

續修經小卷

0 10 20 30 40 50 60 70 80 90 100 110 120 130 140 150

metres

1 2 3 4 5 6 7 8 9 10 11 12 13 14 15 16 17 18 19 20 21 22 23 24 25 26 27 28 29 30

Kodak Color Control Patches

新修皇朝小志卷八

志圖文

書目

朝苑集

康教錄

宣公奏議

應制策論

古鼎法帖

班馬字類

石渠寶笈

元宗廟碑

書聖廟碑

古本奏議方

應山紀略

漢書

周易

仙傳

廣中集

通使錄

通使錄

通使錄

通使錄

通使錄

通使錄

通使錄

通使錄

通使錄

通使錄

續修楓涇小志卷八

志藝文

書目

翰苑集

元宗編遺錄

遣使錄

康教論

君臣圖翼

備舉文言

宣公奏議

古今集驗方

都官集

應制策論

廬山紀略

廣干祿字書

古鼎法帖

漢隸字原

歷代帝王總要

班馬字類

周易附傳

諸史辨疑

居易集

尚書制度圖纂

自立齋詩文稿

著

蘆中集

北征草

俱著

俱著

俱著

俱著

兼善

達青重纂

俱著



南遊雜編 俱元 郁應 嘉隆編年史

華萃集 俱支 大

管窺集 南溪吟稿

雲溪逸稿 俱王 達

華菴樓集 王命 召著 雪齋明鑑錄 王基 著

思親錄 願心 著

硯亭小品 支如 增著 吳山漫稿

碧蓮叟稿 俱陸 道

刑商十則 治統韻言 俱王 無

嘯墨齋詩集 王私 著

鴻冥集 晤往錄

戴氏詩譜 俱戴 季

五經解義 沈澂 著 格言雜語 葉元 美著

一粟軒詩集 俱顧 朝

官爵志 可經堂集 俱徐 石

易憲

東山遺草 渡江草

懷謝軒詩集 俱沈 泐

雪初詩稿 沈龍 著 明心錄 孫續 祖著

五倫坊表錄 沈懋 德著

敲玉山房詩稿 桐陰書屋文稿

烽火餘生草 俱沈 基

通鑑提錄 詩義正傳 俱胡 之 南岡詩鈔 王錫 著

綱鑑纂要 明名臣傳畧 俱孟 春 嶺雲集

歸來草 竹窗雜詠 鈍留齋集

醫學正宗 俱曹 倫 永思堂集 楊應 標著 曠期堂集

莆陽集 俱王 容 歷代史論 山曉閣古文集

山曉閣詩詞集 俱孫 琮 芋栗吟 寄魚草 俱柏 古

得閒學草 顧颺 著 霽堂詩鈔 錢諒 臣著 泊庵集 支隆 求著

南雅堂詩文集 王國 珍 四書存是編 李葵 生著 容成詩稿 願環 芳著

聲遠策論 明詞彙選 蘭皋詞 俱李 應

容廬詩文集 施肇 嘉 閩遊集 施肇 麟

魏里詩存 施肇 麟 詩粵 山亭存稿 俱胡 滋

風經小志 卷八 藝文 二

可幾三則

沈業著

釣餘集

貴道亨著

鶴巢閒唱

葉如珪著

四書述解輯要

陳原輯

含饈閣詩集

玉山紀事

天南物產偶吟

陳培著

粵遊吟

諸儒講義

沈辰垣著

雲緞詩存

王錦雯著

歸雲集

陳仁著

同善錄

陳仁輯

粵遊草

豫章吟

俱浦之純著

深柳堂集

胡然著

易解大義

孟學中著

鶴鳴堂詩集

王之圻著

經濟類苑

顧秉堅著

梅花集

尚友齋集

俱程瑛著

雪尺齋集

高話堂集

雨前稿

溪上草

俱葉淦著

遵渚集

息廬集

丙寅集

俱陶爾穩著

雲西草堂詩集

松亭詩鈔

俱沈廷杓著

半庵詩草

沈廷枚著

科第先資

陳禮輯

河干詩鈔

李永祺著

東干小草

曹爾增著

清風士詩稿

漪南集

俱葉永成著

平恕齋文集

鶴貽堂集

俱浦文焯著

白邨集

曹奕霞著

寶倫堂小草

曹奕時著

三友齋集

孫紹邁著

賞靜軒詩集

楊恒著

碧巢詩稿

畫學金鍼

俱顏論著

葦邨集

邵劭著

漱石吟稿

曹鑑浩著

軼亭詩鈔

芷江集

俱蔡維熊著

三蘇策論

楊爾德著

嶼東吟稿

支期著

默石齋詩集

徐維城著

得樹軒詩鈔

徐宏位著

楓溪吟

徐穎柔著

霞城偶草

蔡煒著

南邨草堂集

經義日纂

皇華紀程

俱程鍾彥著

觀光集

南巡盛典

試策典要

俱蔡以封著

月帆詩草

六榆散人草

俱曹復元著

石函詩鈔

趙金簡著

吟壇小史

張正鑑著

南征旅草

許椿著

夢花軒詩鈔

沈承點著

燠三歷試草

胡燮臣著

三友齋遺稿

蔡以臺著

山南草堂詩詞集

郇景琦著

楓溪棹歌

葉佩麟著

唐詞彙選

顧宋梅著

天香書屋詩學

曹源恭著

壺領山房詩集

謝垣著

安雅堂集

書學正說

謝塘著

菩園詩鈔

俞爾昌著

喉科源遠集

鄭春回著

半硯齋詩鈔

畢大椿著

錫慶堂集

陳孝泳著

蔗園詩鈔

胡世培著

月槎吟稿

汪璠著

南松學吟

闌干詩鈔

顧曰燾著

武林雜詠

粵遊吟

樹香齋詩集

陳蘭徵著

晚翠山莊詩鈔

金泌著

竹溪詩鈔

范棻著

庚齋詩文存

虛白齋畫畧

靜間樓隨見錄

靜間樓書畫記

自畫山水跋

賞心樂事

沈映暉著

耕花齋亦吟草

郁金澗著

續清異錄

老莊合參

蔡子羽著

盼柯軒稿

寒蛩集

後甲集

雲僑集

顧之葵著

閒來草堂稿

顧之芳著

虛白齋集

沈承煥著

玉臺集

沈承燧著

博古圖識略

沈烈著

蘭樵書屋詩稿

許煌著

毛詩切音

霏雪軒稿

胡德麟著

觀我閣古文

淞笠齋詩鈔

事類撮華

程維岳著

據經堂詩鈔

萍廬草

王啓焜著

三餘詩鈔

陳尙誼著

鶴湖漁長詩鈔

高稽著

穎川集

盛韶著

臨溪草堂集

胡麒徵著

環碧山莊詩文集

沈步垣著

牛笛草

丁榕著

松麟書屋學吟草

鷗江草

閩遊草

張身浩著

姑且吟

蘆簾閣稿

邵豐城著

明賢遺翰

謝恭銘著

紅樹山莊集

咫聞暇錄

詹詹小錄

續買愁集

曹湯俱著

齊物類鈔

曹湯俱著

澹石山房集

汪鳴珂著

滌硯齋稿 程廷泰著 娛志居詩鈔 張身著 八樹山房詩鈔 王桂林著

貫經堂詩集 施尙桓著 龍山樵唱 俱陳秉梯著 味閒堂吟稿 陶銘著

甘白齋詩集 施尙桓著 情蛻集 曹相虎著 清風涇竹枝詞

南園雜詠 新豐吟稿 商於吟稿

從戎草 俱陳祁著 萬里蛩吟 陳鵬著 楓涇竹枝詞

秋航詩 俱沈蓉城著 舊雨齋集 沈玉堂著 淡虛齋詩稿 沈玉塔著

環溪詩集 王輝著 蠹碧新編 梅亭詩草 俱許漢受著

隅齋自訂文集 天咫錄 俱吳遇坤著 抱簫山道人稿

賜硯齋詩文集 俱陳鴻墀著 全唐文紀事

全唐文年表 俱陳鴻墀著 撫苗事略 吳書城著 清風涇小志 曹駿相著

風溪詩存 曹駿相著 客瀆夜話 牀頭鍼綫 俱汪東鑒著

小蓬壺吟稿 謝純鈺著 晉遊草 蔡學遜著 石臺館詩集 邵廷鍾著

夜航歸棹集 近遊草 俱戴公望著 恕存草 蔡長庚著

懷蓼齋詩 沈介圭著 遜是遺經 黃人雲著 獨樂吟 黃人昌著

雲間集 沈錫章著 聽雨齋詩集 聽香樓詞 俱沈鏞著

西夏書事 吳廣成著 二十一史金石考異 歷朝名年紀略

明史紀事本末補 六甲贅編 俱吳廣成著 枕善堂集 陳大溶著

了了先生詩鈔 歷遜著 羣書類鈔 王錫祺著 南松學吟

闌干詩鈔 俱顧漢著 藝闌書屋詩鈔 蘭蕙論略 俱程文杞著

紫崧館詩集 顧超著 話雨軒詩集 顧景康著 松南詩鈔 許進著

歷朝僭國世系摘覽增訂 改元考同 俱許進著 于役草

琴臺吟 俱于修地著 擲杜集 黃春暉著 安雅堂遺稿 謝沂著

深翠軒吟稿

王慶濤著

浣薇山館詩集

蔡傳謹著

驢背吟草

沈漢揚著

劍泉詩鈔

沈錫奎著

痧痘要訣

沈鍾著

須曼華居吟稿

陳世鈞著

傳經堂詩鈔

顧性蘭著

嵩縣竹枝詞

俱費震文著

宗經集文稿

謝漢壽著

餅齋課餘

顧性蘭著

味經堂詩鈔

黃蕃著

漢隸續補

嘉興金石志

江甯金石志補

鐘鼎欵識校誤

南村帖考

俱程文榮著

一枝棲吟稿

郭道鍾著

傳雅堂詩集

謝宇澄著

醫方薈編

葉奕良著

治何略述

施鍾著

壽花室詩稿

顧煥著

楓水詩存

顧煥著

游淞雜記

沈瑛著

四診便讀

程孫著

評月草堂賦鈔

吟薰閣詩草

寄生吟草

俱許辰珠著

白梨花館題畫草

費晉昌著

忠孝堂集

陶淇著

蕉林著易編

樂攷

畫原

續書譜

餘山存稿

沈衍著

瀟湘別館詩文稿

黃翰著

碧霞仙館詞

俱楊振藩著

避兵草

沈王佐著

辦貞亮室隨筆

陳汝濤著

羨雪居詩稿

陳宗瑞著

楓涇小志

陳宗溥續著

蠶吐殘絲詩稿

謝雍泰著

滌硯齋詩稿

篆隸指掌

俱程光熊著

聽湖山館文集

蕉雨山房詩稿

俱楊懋鑾著

拳石書堂集

六真齋詩稿

謝琪樹著

繞梅吟屋詩稿

石經書屋吟稿

味琴館詞

俱施遂著

傷寒金匱合編歌註

靜怡軒吟草

郁宗蘇著

本草註釋

李鏞著

枕中訣

俱張國治著

蒸里志略

俱葉世熊著

潛園詩存

李鏞著

醉月居詩詞鈔

耐冷居詩稿

葉世駒著

重輯楓涇小志

許光熊著

潛陽樵唱

楓溪權歌

葉世駒著

潛陽樵唱



懷餅吟稿

武水志餘

於潛縣志

古泉考略

幻樓詞

俱程兼善著

算學大全

陳維祺著

結綺吟

施芳著以

伴蛩吟

王柱著

碧簾居詩草

王汝篤著

香奩餘詠

沈璵著

蘭村集

沈珍著

彤管彙編

戴素瑛著

清風涇雜詠

戴素瑛著

飲恨吟編

孫蘭著

貽清閣詩稿

吳瀚著

遠香閣吟草

畢慧著

岫雲小草

曹珍著

得樹樓詩鈔

金淑著

綺餘書室詩稿

陳葆貞著

鷗北樓詩鈔

王德嫻著

繡餘集

盛華如著

裁紅館駢體文集

詠十六國春秋詩

留雲居詩集

俱朱珏著

吟香閣詩鈔

姚霞著

原教論

宋契嵩著以

關邪說

明方明著

梵香林詩鈔

國朝圓機著

龍虎山志

御選妙正真人語錄

俱婁近垣著

知非贈言錄

婁近垣著

仙槎軒詩鈔

蘭粟著

集文

唐

陸贄論替換李楚琳狀

吾聞王者有作先懷永圖謀必可傳事必可繼不因利以苟得不乘便而幸成故能上下相安而理可長久也彼楚琳者固是亂人乘國難而肆逞其姦賊邦君而篡居其位按以典法是宜污瀦既屬多虞不遑致討乃分之以旄鉞又繼之以寵榮逮至南巡頗全外順道途無壅亦有賴焉雖朝命累加蓋非獲已然王言一出則不可渝縱闕君臣之恩猶須進退以禮今若因行幸之威勢假迎扈之甲兵易置以歸是同虜執以言乎除亂則

不武以言乎務理則不誠禍變繁興爲日久矣負釁居位豈唯一人以此時巡復將安入以此撫御誰其感懷昔漢高僞遊韓信見獲功臣繼叛天下幾危征伐紛紜以至沒代其徵幸之不可也如此陛下得不爲至戒哉議者謂之權宜臣又未諭其理夫權之爲義取類權衡衡者稱也權者錘也故權在於懸則物之少多可准權施於事則義之輕重不差其趨理也必取重而捨輕其遠禍也必擇輕而避重苟非明哲難盡精微故聖人貴之乃曰可與適道未可與立可與立未可與權言知機之難也今者甫平大亂將復天衢輦路所經首行脅奪易一帥而虧萬乘之義得一方而結四海之疑乃是重其所輕而輕其所重謂之權也不亦反乎以反道爲權以任數爲智君上行之必失衆

臣下用之必陷身歷代之所以多喪亂而長姦邪由此誤也夫以韓信才略當時莫儔且負嫌疑已遭告訐縱之足以亂區寓除之可以安國家幸而成擒猶謂失策當時被攻戰之害百代流詭詐之譏况楚琳卒伍凡材斯養賤品因時擾攘得肆猖狂非有陷堅殲敵之雄出奇制勝之略頗同狐鼠乘夜睢盱晨先既升勢自踈縮今郊畿已入武衛方嚴汧隴鎮壓於其西邠涇扼制於其北顧是歧下若居掌中以楚琳瑣劣之資處掌中控握之地縱令躡躅何惡能爲願陛下姑務含弘普安反側促駕遏止錄功犒勳敷肆眚之恩布維新之令然後徵章舉楚琳俾入分文武之職擇元勳宿望命出總岐隴之師則彼承詔欣榮奔走不暇安敢董介復勞誅鉏措置得宜萬無一跌何遽過動

不爲後圖仰希睿聰試更詳慮謹奏

宋

陳舜俞上歐陽內翰書

具官某謹齋沐裁書頓首載拜有聞於郡牧內翰先生坐下某雖不肖從事於學蓋有得古人一言竊藏於心日思所以行言之道而未能者矣某自少小時誦禮記至曾子曰夫所謂孝者國人稱願然曰幸哉有子如此可謂孝矣是使其親爲君子未嘗不撫卷三復又追考古人之所以著見功業顯榮其親必先有志於斯言邪自是居就師友出遊場屋未嘗不恐恐自重於言語去就之際懼有以辱乎親者慶歷中天幸及第爲天台從事歲未滿而罪罰遽至先人不幸卒於官舍旣而由深山窮谷

中負柩獲返於家輒自號訴於宗族鄉里之人曰某罪戾深矣顧隕身草土不足贖而適重之請得變禮行葺塗之事使某夙夜勉強固所樹立萬一有聞於當世而吾先人教子之勤見紀述於天下取重之人且能蒙取朝廷一命及於漏泉而後葬然而聲名不章道德不進聲牙連蹇於簿領文墨心日負而事日違至於今十有三年前此者嘗求天下賢士大夫而歸之至於不愧而置身門下自比於門生故吏是亦大懼日沈沒於小人俗吏之中使先人之德不足以有聞也某今也天重其幸由科選改官屈指日月其覬贈典以酬其言者所不逮三年耳若其獲以先人之見於紀述以取重於當世而垂信於後人則未知果能也然念某始以頑殘奉諱於坐下往來牆宇之間亦於今

十年矣提其誠心而欲以先人之事見紀述於一言則又在其前也卒以今日果於不避棄絕而布之者非敢即謂有可稱願蓋某拳拳之心以爲勉強行道至於樹立稱家有無以事窻窻過此以往亦將有日求金玉之賜爲論譔之美不在今日言之旋踵先生入宰天下大政方提其筆進退天下之賢不肖位日隆而不可聞而某求償其心則無時矣謹錄友人姚闢所狀涕泣俯伏門下以俟裁擇不宣

明

李自華陸宣公奏議序

余自橐筆立館下細繹載籍攷覽當世名賢領輔制誥疏議代不乏人獨敬輿陸公之爲文爲臣光耀簡冊垂萬世規如先正

評之蔑以尙矣然公嘗曰吾上不負天子下不負所學今溯公學師承無攷然觀其論輕重之權破反道之說則秦漢諸儒所不能及夫程子謂自漢以下無人識權而公云權之爲物取類權衡其趨理也舍輕而擇重其避禍也舍重而就輕又曰以任數爲智以反道爲權此古今所以多喪亂而長奸邪也非胸中卓有定識者能作此語耶用是知公闕博之學匪徒高出漢儒蓋直見聖賢達權大指矣以故灑翰抒詞指世陳政一切本於仁義之忠讜而酌以輕重之權衡剖幾析微動中肯綮炳炳如丹即當時上有猜忌專欲之君下有跋扈播驚之臣中權播越草莽之變公乃以單言片詞感動上意而馭天下強臣悍將之魄以彌其逆節然則公之學信可謂不負矣昔人以賈生喻公

余謂爲生易爲公難賈生得君如漢文而猶以不用死藉令二公易地而處則從容獻納止輦受言漢可三代而流涕痛哭三表五餌恐未必轉悟帝衷且啓山東士卒之感泣也厥後謫忠州別駕惟檢集方書閑口不談天下事斯又其明哲之權所謂舍重而就輕者矣故自唐迄今千餘載而進御講筵傳誦海內如一日也公二十九代孫道乾以績學名時克光前烈念公墓在蜀也乞就國紀叱馭瞻掃比歸捐貲葺祠請於朝理祭田之舊且思世藏原板漫漶多訛乃翁公泰屢圖梓之未果復踵成之以應四方士大夫之式祠而求者命余弁諸端余於公家學淵源漸摩有素故公之文章相業不贅而直敘公學如致堂所贊蓋有自云

郁袞嘉善縣志跋

嘉善設縣自宣德己酉至弘治庚午六十餘年未有記載之書壬子郡守柳公琰肇創郡史於時邑令汪侯貴聘百懋周先生寅梅東孫先生璧輯境內事爲一編上之郡今府志十四十五十六三卷是也當時史法固未暇論又二十四年爲正德甲戌一泉王侯德明謀製邑乘甫屬稿而被召去又三年爲丁丑始修前帙預史事者今受秩家居散鶴沈君槩臨貢不祿積庵高君廩時袞以年少從二君後撰述凡例檢閱故事書稍就緒竹里倪少甫病其繁且圖速成刪去十之五六而延太僕都南濠先生潤色之都亦好簡且謂倪去取已當無復諛訪損益故部居雖稍新而紀載之疎脫則與壬子郡史無大異其人物傳更

壞於檢人之手所謂文編者亦污雜志餘尤燕宄三者俱當附合而分之衰與沈君高君每竊歎焉會郡太守白泉徐公盈修改郡志下令屬邑各纂佚事吾邑先後授館沈君高君復至衰亦從二君後重發舊章依郡牘所移條例成編又增修正誤私編月校歲增時有竄易邑人士以爲可傳沈君老而辭楮先生矣歲丙申高君館於陸實齋家暇日取其草彙括體例附論以議合倪公志餘文編以類相從勒成一書其事則迄於己亥之歲未付梓而高君有人琴之感矣陸君以衰留心邑事文字交最深屬釐定之而未工也閱歲丙午是書致力垂三十年勉成高君夙昔編年之志豈非厚願哉余兄鈇博通典籍相與網羅散佚攷究得失及掌故有未徵者輒加訂正而有待焉今戊申

春陸君補太僕官於留京將行適今明府金沙于侯下車講論民隱諮詢舊典陸君喜謂衰曰得賢主人矣邑史之成今其時也言於侯屬以事自六月十一日削簡至今十二月再易草始成新編其文簡而賅瞻而有體以附於作者之末不爲苟同將以傳遠貽後也于侯陸君稱善懸之通都都人士咸以爲善惟不及令高君見之爲遺憾耳

沈泓告乞葬親疏

工部辦事進士臣沈泓謹奏爲比例陳情懇乞聖恩暫假葬親俾得一心報國事竊臣草野誦讀忠愛有懷目擊時艱方切澄清之志倅叨中殿試三甲第十六名應第一選推官則建效馳驅以答聖恩而酬夙抱此其時也即有烏鳥私情萬難忍置豈

敢於筮仕之始反欲先親而後君然念求忠必本於孝朝廷又安取不孝之子以爲臣臣既將委身事君益恨負心將母茲尙得借一日未受職之身補一身不可贖之罪敢以萬不得已之苦情冒死而爲皇上陳之臣家世世單寒故父文炤業儒未遂年二十三歲而亡臣生止五月有八日家徒壁立祇遺田七畝臣母宋氏拮据盡瘁藁葬臣父於祖墓之傍因茹荼嚙蘖忍死撫孤織紉爲生中宵血指外祖父母慮難終節謀奪母志臣母斷髮毀容絕粒不食血書報謝誓以身殉及臣長取臣父遺書手自督課旬釋字解寒暑不輟凡雪夕霜宵母子形影相弔吞聲佐讀血淚爲枯蓋撫字之艱既以母而兼父義方之訓復以母而兼師臣母之節實爲至苦不意崇禎二年臣甫叨恩選臣

母以力盡筋疲一朝見背計自二十三歲至五十有四苦節三十二年歷盡艱辛不能殫述事載松江郡志讀者無不涕零至崇禎六年四月間巡按直隸臣陳乾陽探風入告特蒙恩旨旌表故民沈文炤妻宋氏貞節之門天上宸綸忽被窮簷苦節聖恩浩蕩臣母固死有餘榮矣顧臣貧不能大襄復藁葬臣母於父塋之側崇禎六年叨領鄉薦以來臣恐久虛旌闕明旨館穀所入僅能建豎立節壙蹶數年而竣至欲卜地改葬綿力實難並營蹉跎至今臣罪萬死然臣向未通籍歲時猶得寢興墳墓自母死十五年以來凡冬至歲除之夜臣必草宿墓前攀木哀號以請不能改葬之罪臣與父母雖幽明隔絕猶生死相依也今將銜綸遠任計其地非萬里則千里計其時非六年則五年

置父母於淺土而儼然宦遊臣難懷許國之忱實切傷親之痛  
況臣母茹苦一生而臣不能承歡一日終天之恨尤百身莫贖  
者乎臣謹按大明會典內一欵洪武間定內外官吏給假省親  
遷葬者俱自行具奏取自上裁臣敢比遷葬之例瀝血哀請伏  
思皇上以孝治天下乞俯念苦情暫假回籍營葬事竣速赴就  
官則自今以往頂踵髮膚皆可捐糜報國是臣之暫假以贖不  
孝之愆正臣之永矢以爲盡忠之地也臣不勝哀泣待命之至  
國朝

支期褒祀編序

五常百行丈夫當不負鬚眉四德三從女子亦有光巾幗忠孝  
根於天性節烈發自良能義炳雲霄名齊河嶽以魏塘之片壤

在浙水爲偏隅析於宣德之初年列作嘉禾之外縣輝煌星斗  
適當斗宿之分垣映帶山川不少川靈之毓秀生斯地者大有  
人焉陸宣公峻望常存陳賢良清風未已薰陶有得佐化瑟以  
謳歌披拂無方緝峨冠而禮讓邑洵符乎善邑鄉久號夫賢鄉  
地以人傳道由心運忠誠一奮非關氣骨之奇孝友相成式觀  
風徽之正安常而怡顏養志臨難則致命捐軀士林豈乏完人  
閭左每饒獨行廬瑩割股遇歷艱辛讓產分金情杼肫摯惠必  
周於粉里以解以推事可濟於梓鄉任勞任怨灼知名義直舉  
胸懷卓爾不羣昭然若揭至如有齊季女變彼諸姬孝父母於  
庭中敬舅姑於堂上痛所天兮早逝誓之死矣靡他鞠幼良難  
矧螟蛉之式穀食貧已苦更梟獍之橫侵永晝哀號或殉死而



甘同穴弱齡矢志或未婚而守孤幃筠節松枝歲寒益信風饕  
雪虐白首無渝凡皆得正氣於乾坤成男成女所以表芳蹤於  
邦國可法可傳者也恭遇 盛朝特褒潛德欽承 恩詔大沛  
深仁創祠宇而咸秩明禋鐫碑坊而長留姓氏闡來幽隱核實  
無虛樹以風聲錫各伊始況工費悉資正課而差科不派民間  
當翬飛鳥革之宏規勝鳳舞麟遊之上瑞一時褒卹百世觀瞻  
幸此昌期編緝乃章逢之責欣茲盛舉流傳爲孤悅之型邑侯  
錫山張夫子學宗金鏡心貯冰壺既宣化以承流爰旁搜而博  
採研求確蹟刪訂繁言謂梅里錢子平衡八葉重光烏奕公卿  
之裔兼堰兜孫子頌年五經獲雋聯翩科第之家且以衰宗之  
尙守清芬或者賤子之不忘名教因承誣諉共事校讐成祠而

繼以成書曠典而昭爲令典題名永永拜 闕廷浩蕩之恩展  
卷殷殷起閭里低徊之慕敬從末簡僭綴蕪辭雖事已信而言  
無文默抱慚於前古然風旣同而道自一實垂範於來今

楊爾德條陳積儲疏

雍正五年六月七日提督廣東學政臣楊爾德謹奏據實條陳  
事臣蒙 皇上特恩以科員擢任廣東學政自念衡文課士未  
足圖報萬一仰體我 皇上子惠元元至意於學政之外有關  
吏治民生者輒留心訪問臣蒞任以來訪知南粵山澤多而可  
耕之地少每年兩種兩收全憑雨澤均調儻遇旱潦難以人功  
補救又其地爲各省及外洋往來貿易之處商賈之多甲於天  
下所產之米有限不敷所食所以米價不時昂貴民間常有乏

食之虞也伏念我 皇上軫念民依深思遠慮廣東既有積穀  
一百六十餘萬石尙恐不足又命廣西運穀三十萬石以備用  
又有運穀捐監之例所以捍患備災者已極周詳矣若使此項  
積穀實儲在倉而所在官司因時糶賑何由米缺價貴揣其中  
必有倉穀虧空之弊不然則有司奉行未善以致上無以仰答  
天心下無以急拯民困臣愚以爲當及時一面嚴查倉儲一  
面約定永遠無弊之法以收實效管窺所及約有四條敬爲我  
皇上陳之一宜澈底盤查以清積弊也州縣有司賢愚不等  
或侵或挪或蓋藏不謹致多沍爛交盤之際以無作有一時承  
任均未可知定宜及時令大吏親歷澈底清查或調各州縣彼  
此盤詰申詳務必核定有無多少實數庶使已往之責難逃將

來之人知做平時不視爲具文臨事得徵其實效矣一宜專責  
任以嚴考成也郡邑正印官事繁責重於此項積儲或有不能  
兼顧之患郡佐丞簿之中豈無誠實可用之人請令督撫察訪  
或令知府保舉每州縣專委一員以司其事或一年一更或二  
年一更交盤務必清楚州縣正印官仍不時稽查以定黜陟庶  
出入不致於侵挪矣一宜審其地方以均積貯也廣東疆域遼  
濶有一府所屬之州縣而相距數百里或千里者又各州縣地  
方廣狹不同編戶之衆寡不一請 敕諭督撫分別州縣大小  
以定所積之額數則既無有餘不足之慮而所積必在本縣本  
鄉一時需用亦并無道遠難運稽遲不達之虞矣一宜核其積  
耗以杜妄報也東南之地不比西北高燥百物皆霉傷蟲損積

穀亦然既霉爛必須不時搨曬則未免損耗此所以專員以司其事勤加省視又宜量其損耗准與銷算則司其事者既無推委之處亦不得以霉爛妄報矣臣本迂愚又非其職而感荷天恩末由報效見聞所及敢不直陳 聖聽如果臣言可採伏乞 皇上敕部議覆施行謹奏

婁近垣闡真篇

原夫道本無名因名立名道本無形因形成形名者道之用形者道之體至道之體本無定位冲然漠然而住於無所住也能深能廣能高能大能前能後能古能今非空非有非來非去非始非末非向非背明明而非照歷歷而不知融空有合真妄萬象紛紜而自不適閒者我爲法轉也一鏡圓明而物無遁形者

法爲我用也真妄相待迷悟相因融妄即真猶冰之於水轉迷就悟猶影之於形夫鑒覺之功不至於圓滿者心有所照也欲泯然而覺圓須無心而應運故曰天地同根物我一如明並日月而普被其光輝功高二儀而均受其陶鎔非至人之無心孰能一至於此乎是以世尊觀明星而起悟太上跨青牛而觀化至聖樂沂水以徜徉皆知萬物之備於我而未嘗有心於萬物也無心於物故心心皆物無心於道故處處是道心心皆物無一念非物處處是道無一處非道體水燥火溼陽靜陰騰一來一往互爲出入化母孕其靈胎真君宰其堅骨肉是丹汞成焉谷神養焉內外明徹表裏洞達內其神而神固外其身而身存然後易彼幻形成其真體出此真體轉彼幻形是知大地山

河無非我體蟲魚鸞鶴悉成我身可以翱翔六合於曠八表冷  
泠然御景風乘慶雲逍遙於 聖人之世觀瞻舜日堯天又何  
必蓬瀛閬苑更問壺中天地乎雖然非參無悟非悟無修非修  
無證含萬法於一空納一空於萬法不空即空空空即不空是之  
謂妙有真空真空妙有即真空而顯妙有即妙有以證真空於  
參而實無所參於悟而實無所悟於修而實無所修於證而實  
無所證是謂之真參真悟真修真證所謂沖然漠然而住於無  
所住者此也

婁近垣重修龍虎山志序

至人出而靈奇現勝地傳而德教長是宇宙之所罕有而編輯  
之所最急者也夫學士大夫之遺跡苟有裨於民生則有志者

必且廣爲搜羅分爲卷帙以著爲美談况尤有神功偉績足以  
參贊化育於以輔熙運佐鴻圖爲教化之主持俾黎元之利益  
也哉江右貴溪之雲錦山係吾老祖天師鍊丹處丹成而龍虎  
現遂以更名考道藏所載洞天三十六福地七十二龍虎山  
爲二十九福地特管窺之見者因其次序或將從而等第之孰  
知天亶異人畀以靈境正自有天施地設不得妄別其等第也  
邪我天師自東漢以迄今茲千七百餘歲傳世五十有六源遠  
流長嗣續未艾廣施法力潛弭妖氛推師法之宗則與空王並  
軌論爵秩之襲亦與至聖相當雖天師發跡於蜀啓教鶴鳴然  
今日仰溯遺風不於蜀之鶴鳴而於信之龍虎且真仙輩出代  
不乏人類皆杖挑日月劍蝕煙雲則毓秀挺異瑞氣寶鍾於斯

謂尼山泗水後先輝映可也苟編志闕如今東魯聖裔獨多志述之書恐吾教之遺憾者正復不少垣自弱歲從師純一楊公於楓溪之仁濟院嚮慕龍虎之勝神游久之及謁上清子篆周先生遂蒙見授三洞五雷諸法得窺名山秘笈間陟仙巖升危樓探幽洞尋向所謂天師得神虎寶書處私心不勝向往焉比以五十五代教主遺命侍直京師修圓法事蒙 世宗憲皇帝俯念微勤推恩所自 敕建斗閣重整仙壇琳宮奕奕璇宇巍巍若此 殊恩異數豈非老祖天師真風靈惠有以感孚 聖朝故能仰邀 曠典澤被後裔以佑啓名山也哉山有舊志三卷首列元翰林院侍講學士元明善編輯明工部左侍郎張鉞校五十一代天師張國祥顯庸同建武後學王三極續

校向病其闕略及讀志中舊序始知元編舊志已爲四十三代耆山天師增修至十卷矣歲月寢久簡册靡存今之三卷乃耆山殘缺之餘編而非明善所輯之全策不然何掛漏頗多而冗雜無次邪吳郡顧尊光博雅士也嘗館於素堂署教主齋深以幸際 殊恩必宜增修山志乃旁搜遠索考信辨疑凡有數十條惜其屬稿未就遽焉殂謝垣以一介草莽遭遇 寵光思祖庭勝蹟久未編輯實耿於懷爰稽往籍并述 新恩 綸音宸翰之輝煌瓊閣瑤臺之壯麗山川之靈異人物之瑰奇與夫爵祿田賦之增設詩詞序跋之敷揚廣收畢弋類聚羣分合得一十六卷以成是山之志吾徒惠遠謨任校讐焉垣愧樸陋無文不足以頌揚 聖德闡述先猷惟欽至人之異蹟勝地之常留

私喜是編之修庶足與闕里諸志並光天壤而垣亦得附名於奕世但冀後之修志者弗再如前之廢爲三卷則又厚幸也已謹壽諸梓而爲之序

謝墉平定兩金川序贊

臣聞建千古非常之功者其始無心於建功也闢一代無窮之基者其本不急於闢基也曩者西陲之役平伊犁定回部拓疆數萬夫其自敝也竄也天命以歸 有德而非其兼弱攻昧取亂侮亡之謂也今茲金川之績剿攢拉滅促浸俘馘數千夫其自絕也叛也 天討以形有罪而非僅禁暴戢兵安民和衆之謂也蓋 聖人如天之道宰化不言成功不居一隨夫萬物之自取而已矣乃有膠庠之士進而問曰粵在戊辰金川不靖

狡焉思逞豕蛇蹂躪時則 命將聲罪 撻伐用張 大兵壓其境不難翦刈灰滅之則早已銘 武功矣曷肆赦於昔而遲之遲而又久以藏事於今臣答之曰 仁覆憫下無不容也庶頑並生無不涵也彼薦食其隣非不赦而窮蹙以降猶可矜

阜上用以包蒙之度示顯比之不誠而又焉料其惡積而不可掩罪大而不可解以逮於不得已而覆滅相尋古人之言曰聖人無功非無功也不欲以功見也功者不得已而有焉者也是以遲之遲而又久也問曰蠢茲小醜 大邦爲讎忘全活之惠肆并吞之謀滋九土司之釁構三雜谷之仇乃救其父而僧格桑辜 恩宥其父而索諾木濟惡也何虺之弗摧末之弗撥而厚其毒以降之罰也臣答之曰蝸角之鬪蠻服之常彼之日尋

千弋以相討伐弗擾我邊疆雖至聖亦化外置之勿過防之  
矣而乃蔑教令抗顏行戕土姓奪符章是則怙終賊形自取  
滅亡問曰寇讐也而反婚媾唇齒也而又狼狽被我天朝之  
大惠而不知感且不服罪而重之構禍焉走險者稽誅藪逋者  
黨悖是聖人之德固有時暫阻而後以威先愛乎臣答之曰  
聖德非有阻也鳴鴉不可以雞鳴育聖人未始不欲革其  
音易其目也豺狼不可以犬豕畜聖人未始不欲收其心馴  
其性也至德而不格則功乃興矣博受而不濟則威斯震矣  
是以聖人之功不有加於德之外亦不有歧於德之中夫傾  
鳴鴉之巢則鳥雀適其殼焚豺狼之窩則牛馬安其風是故功  
亦德德亦功且夫反噬者殃首禍者絕助逆者亡怙惡者滅天

之道也聖人亦順天之道而已必有所大不得已而後赫然  
一怒簡師振旅犄角夾擊綿綿翼翼再定美諾遂平勒圍若  
疾雷破山大風振海之不可止也其間搗谷噉克馬尼摧羅博  
據宜喜舉默格爾略康薩爾日旁既收昆色復洗睿謨神算  
出入於九天九地極於無形之門用侵伐而無不利易曰天  
下之至健德行恆易以知險天下之至順德行恆簡以知阻此  
兵略之要也非至誠其孰能與於斯而何虞地之有險德之  
有阻也古語曰事易成者名小難成者功大而況於仁者之  
師乎問曰聖人順天是則然矣乃若昔之破軍滅國者或俘  
厥魁而徒黨逸或係其孥而兇渠潛蓋有盡室以行聚族而殲  
者矣不聞一一生致之若茲天兵之破噶喇依也其母姑姊

妹其兄若弟其頭目係頸相後先其曾與其土婦及其子女無  
不同時羅跪就縛焉夫甯 蒼昊之與 廟謨有若符券之授  
者然臣答之曰然所謂先天而弗違也然亦天之所使非人之  
所爲也夫以 濬哲之照提挈剛柔運旋樞軸審彼逆酋之惡  
盈而禍盈也揆之以 先幾神謀鬼謀畢應焉燭之以 心鏡  
分陰分陽迭用焉故方智圓神堂堂正正而非由乎兵家之抵  
蠟飛箝夫又安得而逃旃故曰天網恢恢疎而不失問曰在昔  
西南夷君長以數仟伯自上世以來弗能賓服彼其板楯句町  
之蠻冉驩筇竹之國地不列於職方所掌則其爲竹王之大也  
久矣名不隸於行人所儀則其爲史林之貢也蔑矣是以凡欲  
有所締構者不能於此焉增其式廓也凡欲有所奮伐者不能

於此焉簡厥車卒也豈忍置之哉天險不可升也地險山川邱  
陵也其民俗又悍而有謀今之邱陵猶昔也其民俗亦猶昔一  
朝而殄滅之豈其有數存乎其間耶臣答之曰上德理勝數次  
德理數持下德數勝理我 國家以仁德怙冒天下 三后在  
天光烈景鑠我 皇嗣之德至矣哉如天之無不燭也如地之  
無不載也惟此蜀徼之彈丸其矜全之德尤大且久矣彼以險  
叛則險失我以順應則險平本非有利於其土地人民也 德  
崇則數應數應則基闢問曰夫 運籌制勝 智之策也執訊  
獲醜 武之略也是固 神聖之能事雖不可得而管窺而可  
考信前經以得其說也若夫勒烏圍掃於八月之望噶喇依定  
於二月之吉距數月而遙矣而何 宸衷之克豫以下也 鑾



輅上 陵露布馳捷適達集勳以登芬苾繼之秩名山奉 慈  
暉升 闕里 告獻誠 勞士於郊 受俘於 闕虎拜 壽  
萬麟閣功百然後上 徽稱廣 孝德朱鷺鳴鏝白狼叶律或  
遠某日或近某日無不夙戒如期應機合節何萬里之行師乃  
燭照數計於几席也臣答之曰 睿作聖 誠則明天且弗  
違而況於人乎況於鬼神乎臣乃起而重曰蠻徼之地種類實  
繁 聖皇視之皆我赤子也豈盡無良哉而爲一二黠猾者迫  
脅則相率而梗塞 聲教矣牧羊者去其敗羣養苗者鋤其害  
稼 德則廣運 功以斷成繼自今我疆我理我陵我阿歸耕  
安堵偃伯止戈則彼魑魅魍魎之窟宅不百化而隲於 日星  
雲漢之光華也乎士也恍然忭舞而進曰於鑠哉無心於建功

者建千古非常之功者也不急於闢基者闢一代無窮之基者  
也臣於是載拜稽首系以贊曰

往年我 皇上平定西域是臣始奉 詔直 內廷恭讀 御  
制開惑論告成太學碑文西師諸篇知 聖心之非存乎耀武  
事也而承天之佑 大武以昭又知 聖心之非存乎矜文事  
也而觀天之道 大文以垂合今茲 鴻撰而敬繹之渾渾噩  
噩乎赫赫明明乎乃武乃文兼三五而運之 配天長人函統  
今古豈不諒哉

謝塘婁縣志序

古之方志自越絕書始而顧啓期之婁地記顧夷之吳郡記次  
之越絕志越及吳二顧所記皆吳地也然則言地志者宜莫先

吳矣漢之吳郡北距江南至嶺嶠地方數千里會稽割置以後猶包今江蘇六府州之地唐宋華亭一縣元析爲二置松江府始別於蘇州明又析爲三數世以後賦重民繁有司不能徧理又稍稍析之其勢然也 國朝底定江南順治十三年分華亭之西南境置縣取漢婁縣名名之同治郭下於時海氛告靖生聚日滋 聖祖時巡方岳於焉肆觀海隅蒼生仰受 天澤歡若家人 世宗蠲免浮糧俾景定官田五百餘年之害一朝釋負 皇上撫重熙之運久道化成文治田功漸被江海是縣有屢豐之慶無用威之煩故以 開國之建置 列朝之教養百四十年以來名臣節士孝子順孫異世間出前後相望至官師遷除賦役更定一方之經制繫焉而志乘闕如未有舉其事者

問之耆舊稽之案牘蓋日遠日難矣吾宗大令彈琴多暇仕優而學以守土之官徵文考獻延致吾友大理卿陸公創爲是志大理校典秘書延閣曲臺之藏皆其刊定茲以江東舊族資於家世見聞博采羣書旁搜圖牒成書若干卷斟酌古今詳而有體良史別裁於斯爲至時則清江楊公以詞林宿望周列臺省老於掌故適來守是邦德星所聚仁風載揚婁之士大夫趨事勸功樂觀厥成不期歲而汗青可寫邦之政事於是乎出簿書期會於是乎稽可謂見其大者矣予嘗謂列史斷代爲書自班氏而下相沿不革獨近世州縣之志更數十年而一修則取舊志更張之稍傳以新事於是前人編錄之意遂不可復尋凡所記載不知著自誰何後世亦難引據且篇帙日繁勢將何底是

志出於創始前無所襲以大理鴻裁雅體又得賢守令之助勒  
爲成書後有作者循會稽續志之例勿紊施宿成規其亦可矣  
余家嘉善之清風涇舍北一水即婁之南境舊德先疇諳其風  
土又以再奉使節典學江南是書之成得與商榷自惟疎淺不  
能有所裨益蓋撫卷有餘愧焉

陳孝泳謝同南書房翰林行走 恩摺

臣陳孝泳謹奏爲恭謝 天恩事本月二十八日內閣奉 上  
諭鴻臚少卿陳孝泳著同南書房翰林行走欽此竊臣材慚駑  
騫學等蟲雕少從事於丹鉛暇微窺於金石屢逢 鑑古幸預  
摹書遂自槐衙得趨 蘭掖實章縫之殊遇爲韋布之至榮嗣  
一舉於鄉書濫四門之博士禮闈七上甘場屋之退材 恩綍

九重界部曹之進例便蕃 錫賚綴次廣吟復叨烏府之除  
洊轉黃門之秩在微臣佔畢之分夢寐難期皆 聖主容軫之  
仁盼睐每及方深悚仄更荷 寵榮甫佐列卿聳聽句臚之唱  
旋偕內翰欣隨倬直之班 恩重心驚感深骨換舉頭黃榜昔  
思成進士之難聯步 丹墀今獲從翰林之後敢云雅志悉本  
鴻施愧乏萬分詎涓埃之能報銘深五內倍銜結之恆情惟  
有刻勵慎勤勉強學問少期稱適用答 崇深所有感激微忱  
謹繕摺恭謝 天恩伏乞 睿鑒臣謹奏

舊序

嘉善縣知縣江峯青序

今年夏余奉 憲檄承乏嘉善下車試士首選卷爲楓溪朱茂

才歲值大比循例決科又得楓溪程生爲多士冠楓溪舊有書院每月朔由縣課士一次佳構林立雖高下不齊而草率從事者不經見士者四民之首也文教者地方風化之符也以此知楓溪爲文物之區而前輩之流風餘韻猶未有艾也間嘗因公戾止見市廛輻輳煙戶繁盛農工商賈各安其業俗尙華節而不傷於靡人務機智而弗荒於嬉都人士因事接見類皆彬彬儒雅街巷潔治橋梁完固地方恤養育嬰施棺各善舉次第具備官斯土者顧而樂之慨然景慕白牛居士陳令舉先生之爲人以爲君子之澤信乎其未斬也楓溪以先生故又名白牛村後之人仰其清風亮節又名清風涇而號其鄉曰奉賢德鄰仁里生齒日蕃賢豪輩出而因革損益盛衰興廢之故歷數傳而

一變其間忠孝廉節與夫文人學士之嘉言懿行亦與時俱增今許侍庭葉培卿費二川諸君子因曹雪莊陳竹士兩先生楓溪小志舊稿遠撫近拾博採廣搜期於無冗無漏而問序於予讀其書綱舉而目張擇精而語詳斐然作述之美足以風世足以傳世夫徵考文獻風勵末俗有司之職也綜覈名實網羅散佚亦吾儕之責也予雖不文而適與諸君子商辦九十餘年未修之嘉善邑志喜是書之成將有以參互考證也因樂爲之序

婁縣知縣張紹文序

余昔以軍事往來吳越間歷楓溪見林木陰翳廬舍鱗次清流激湍晶瑩如雪山川鍾淑之氣撲人眉宇意必有隱君子者簞舟低徊而不能去後十餘年宰婁邑乃識境屬婁南四十五里

即古清風涇宋陳舜俞之所居也宋置驛通秀州爲浙江界首  
鎮之南半屬嘉善順治初用彤家言築堰於東柵以攔水科第  
相繼商賈盈集至今稱蕃庶焉曩曹雪莊先生採輯成志陳竹  
士明經取而裒益之稿未鐫遽歸道山中更兵燹世易時移疆  
域之沿革第宅之興廢與夫賢人君子孝子悌弟士女貞義之  
行代有興者使無紀載以表彰之後之人將何述焉今許君侍  
庭偕葉君培卿費君二川慨然引爲己任取曹陳所編輯網羅  
散佚博採舊聞逾年成書十卷各以類附以補前志之缺而釐  
定其體蓋事雖因實同於創者也昔江文通謂修史之難無過  
於志誠以志者典章所繫非爾雅之才資於故實不足以補益  
舊聞昭示來茲也歷年久遠考覈尤難所見異辭所聞異辭所

傳聞又異辭察貌遺形有必然者諸君子之用心亦良苦矣余  
獨念方志之作即周官訓俗之義推而廣之於以鏡臧慝考得  
失資治理耳莫爲之前雖美弗彰莫爲之後雖盛弗傳況夫天  
下者郡縣之所積也郡縣者鄉里之所積也一勺之水可以知  
滄海之大一櫛之味可以知膾炙之美一粉米之繡可以知黼  
黻之華古之君子處則以禮教化其鄉出則以廉正効於國故  
家修廷獻亙古如斯野史稗官輶軒必錄或者不察謂此特一  
鄉紀實僅足供藝苑之珍秘也豈定論哉吾願生是邦者敦本  
善俗砥礪廉隅以期學修行舉與前之宗工傑士頡頏後先是  
則修志者之深心也余不獨爲秉筆者幸且爲一方之風俗幸  
也故於志之成也樂得而爲之序

嘉善顧福仁序

楓涇舊名白牛市元至正間始立爲鎮置巡司明宣德年間析嘉興縣爲嘉善鎮之南隸之鎮之北屬華亭 國朝順治中又析華亭爲婁縣遂屬婁嘉善主簿婁縣巡檢及兩邑分防外委並駐於斯東望雲間爲泖口要隘西望張涇匯九里鋪遞之所由焉嘉慶時曹雪莊先生相駿謂澈水有志烏青鎮有志楓涇緊豈無人而不加收齒乎爰自有明以來里中耆舊遺文佚事珍同球璧采備無遺署曰楓溪小志厥後陳竹士明經宗溥獲其稿仿縣志例徵舊聞附新獲十年而稿具增益大半光緒年間嘉興府志婁縣志先後重修陳明經上其書而當事所采無幾今陳明經歸道山十餘年矣侍庭許君光墉二川費君漢恐

年久散佚乃同葉君培卿世熊以陳稿爲權輿旁搜博采編次先後名曰重輯楓涇小志復經仲周陳君維祺參校將集資付刊諗於福仁曰此一鎮之掌故也請闕者補之尤者汰之以爲他日修志之一助可乎爰且讀且繹訖於終卷復於侍庭二川兩君子曰山川形勝土田上下農桑物產諸類大都分善婁兩志之緒餘無足深論而一時風尚醕漓戶口登耗閱數年而不同乃自開國以來人材蔚興經濟文章流播遠近閩貞闔烈彤管斯輝有所稱述依於庸德不爲溢美也昔沈瀛壺先生所輯郡志劉公應珂以爲繁重削去大半嗣後李太僕日華應修縣志悉爲補采然則是編也余又何汰之有吾人伏處一鄉足跡所經耳目所及暇日摭摭初無官司程限確而可信諸君子

有意校存不大愈於雕蟲篆刻乎末卷拾遺足資談助臆履登朝蛇劍穿屋史筆謹嚴猶登異說知言君子當可無譏已

婁沈祥龍序

江蘇浙江之東西交界有鎮曰楓涇其鎮半隸婁縣半隸嘉善縣蓋兩省往來之孔道也案楓涇舊名風涇宋楊潛雲間志載風涇鄉在華亭西南六十里國朝謝庭薰婁縣志謂楓涇因鄉名鎮宋置驛以通秀州據此知風涇鎮始於宋時至元明而戶口日繁市廛日盛逮至我朝人文蔚起宗工碩士頡頏後先知謝侍郎墉陳光祿孝泳蔡殿撰以臺以通儒膺聖主殊眷沈進士泓以孝行稱許觀察椿以忠節著其他懷才負奇名震遐邇者代不乏人雖區宇祇此一隅而靈秀鍾聚不遜通都

大邑又地爲水陸所湊商賈駢集田野沃饒民務儉勤戶號殷富數百年來未之變也楓涇舊無志乘凡分載於嘉善婁邑兩志者亦略而未備嘉慶間里人曹君相駿始輯楓涇小志後陳君宗溥續爲纂修搜羅攷訂二十年視曹志爲詳其書未及刊行而陳君卒矣往歲許君光墉葉君世熊費君濠取陳稿重加釐定遺者補之誤者正之稿又增十之三分爲十卷而陳君維祺復任參校排印以行世其書體例秩然繁簡適當足以信今傳後而攸關於兩邑掌故者厥功匪淺豈特一鎮之光也哉憶余昔時客楓涇四五載與葉君交最深而葉君出陳君之門因得識陳君會商榷此志是時老成猶在文酒之會時相往還兵燹以後滄桑變易而朋舊亦大半凋落矣茲與葉許費諸君按

楓涇小志  
圖經訪舊蹟其能無今昔之感耶然而風俗猶是也人心猶是也是則讀此志者所欣然神往也夫

陳銓衡跋

曹雪莊前輩爲金山名諸生世居清風涇嘗搜求里中故實著楓涇小志吾族伯竹士先生好學不倦老而彌篤生平手鈔書不下數十種得是稿謂係一鄉掌故增新補舊歷十餘年不懈同治癸亥館滬上鄰右失慎延燒一空先生倉皇出走僅負書籠以行是書得以無恙晚年得中風疾猶諄諄以是書囑衡謂志雖小踵而修之亦居斯土者之責得付剞劂則死且不朽衡謹誌之愧力未逮焉庚寅春許君侍庭慨然有重輯之志於是商諸衡以是稿爲依據編次先後並荷葉丈培卿費丈二川相

與汰其冗補其闕悉心商榷二年而書成迺集貲郵寄申江付手民排印適從弟仲周客滬上復爲參校間有遺誤攷正數條洵足以信今傳後惜先生墓有宿草不獲目覩其成展讀是編不勝今昔之感云



續修楓涇小志卷九

志兵事

里人程兼善達青重纂

兵事

咸豐十年庚申夏四月二十六日粵匪洪秀全黨自蘇州竄撲  
嘉興府城五月十三日松江府城亦陷寇警日逼里中練勇

以資保衛

按所練之勇皆里中敗類居多賊至逃散無一人禦敵

七月十二日賊陷嘉善城人心益危某甲等倡議集資賄賊不  
使侵擾推金陵人劉竹巖為首指富勒資賄嘉興賊目偽聽  
王陳炳文閱數日賄一次會有練塘人金左泉時僑居楓涇  
妒劉從中漁利潛見嘉善賊目陶會金受師帥偽職遂挾賊  
勢勒索里中財賄以媚陶賊劉竹巖由是懷憤導嘉興賊犯

境

九月初三日周莊賊過境未犯

初六日嘉興賊陳炳文繞過嘉善擁衆至鎮大肆焚掠閭里一空死者甚衆

初八日賊退過嘉善嘉善賊陶會金令其釋放被擄男女得脫者十之二三賊去後洙涇官兵始至時江蘇官兵在朱涇搜索燼餘不異於賊惟不擄人不放火而已

初九日各鄉土匪蠶起入室搶物諱曰搬場咸稱短毛粵匪不稱長毛因呼

土匪曰短毛劉竹巖被土匪刺其腹墮河死并殺其子

十一月鎮西南各村集衆數萬相約攻賊直抵嘉善城勢卒不敵賊乘其逸率衆尾出抄掠西南鄉數十日乃止

十一年三月十六日嘉善賊目陶會金抄掠各鄉歷二十四日

賊既退而江南提督曾秉忠甫帥水師由洙涇至楓

八月初十日賊又撲鎮東北兩鄉歷二十七日始退

同治元年二月初三日賊合大股又至東窺洙涇北探練塘焚掠四十日乃息自是四鄉村莊無不蹂躪短毛所搶之物同歸於盡且賊見室有鎮物輒焚其居

四月賊至踞守不退多設偽職附近匪類附之

是年秋東南各鄉村團練敵賊於金婁交界處後揆不至卒無成功

二年七月江蘇巡撫李文忠公飭統領劉秉璋督率水陸七營

進剿賊目沈踞鎮東文昌閣改爲五層樓本係三層以資瞭望十

二日賊出拒於大官塘官軍力擊之始回

十三日官軍三路並進賊窘守不敢出會嘉善援賊大至分數股迎拒官軍開礮猛攻自辰至午賊營外木椿盡拔副將楊鼎勳率兵由雪水涇攻賊營東北直撲兩石壘賊施放鎗礮子落如雨官軍以噴筒火箭專向五層樓施放砲之樓焚攻益急賊知不敵始竄所擄婦女鋼樓下悉焚死賊竄時反閉營門故被擄男子亦莫能脫官軍過冒家圩掃賊壘乘勢追殺是日都司曾守忠督礮船由西路進亦將詣涇賊壘攻克而各軍遂分營駐紮嚴守統領劉秉璋駐鎮東凌家堰吳長慶駐鎮東泰平坊黃仕林駐鎮東南冒家圩王玉林駐鎮南高王廟袁發駐鎮南城隍廟聶桂榮駐鎮西盛家橋李鴻壽

帥水師亦駐冒家圩

十月二十日進攻張涇匪賊壘參將王玉林奮勇撲壘受鎗陣

亡統領劉秉璋屢受鎗彈退還

王玉林陣亡後萬重暄代之

十一月初四日攻克張涇匪尋復嘉善城諸軍拔營而西

賊踞鎮上時鄉村無賴仿造哨船載鎗礮以保衛為名向富家勒索名曰借火藥錢稍不遂意聚眾劫之推強悍者為頭目立旗幟標姓名橫行無忌賊退後皆無漏網

鎮西戴阿農宋浜狄金和等各受偽職為賊鄉導後阿農仍為賊殺金和稔惡事平後稟有司置諸法此外偽職頗有幸逃法網者

庚申之難歷三四年前後死者不知凡幾有死於閭里久之莫

識姓名有被擄他鄉莫知死所有田間壯者公戰私鬪橫權  
鋒刃當時探訪者未能周悉茲據昭然耳目者紀之遺漏當  
復不少有遠官他省歿於 王事者謹為並志焉

殉難紳民

江甯北捕通判程文榮

咸豐三年江甯殉難 贈道銜 恩騎尉世襲

湖北廣濟縣知縣蔡潤琛

咸豐四年湖北殉難 贈見知府銜 恩騎尉世襲

兩淮候補鹽知事蔡祖存

咸豐十年附見海州遇 匪殉難 恩騎尉世襲

候選從九品蔡振基

咸豐四年附見北 恩騎尉世襲

河南候補直隸州知州署宜陽縣知縣謝仁溥

同治元年河南 殉難 贈太僕

寺廟銜 恩騎尉世襲 見人物傳

福建候補縣丞署漳州府經歷陳宗元

同治三年福建 殉難 恩騎尉世襲

山東城武縣典史程繼

字善之 賊被害

山東候補未入流程履坦

恩騎尉世襲

議敘從九品程圭

咸豐十年遇賊被刃越宿死 恩騎尉世襲

議敘從九品程世瑩

恩騎尉世襲 恩騎尉世襲

議敘從九品王洪鈞

恩騎尉世襲

從九品程菊孫

咸豐十年在嘉興 恩騎尉世襲

從九品程杰

恩騎尉世襲

八品銜尤昌

恩騎尉世襲

從九銜陳銓藻

恩騎尉世襲

從九銜程鍾賢

恩騎尉世襲

從九銜程世焜

恩騎尉世襲

從九銜程應楨

恩磨騎尉並予

從九銜王鈞秦

害字蓉塘被擄遇

監生徐應祝

字北村

監生畢樹屏

字承庵骨賊被

監生顧大鐘

字鑄堂被戕

廩生顧煥

見磨雲騎尉

郡庠生謝人杰

磨雲騎尉並予恩

庠生吳汝侗

子遇賊不屈死以縣贈主簿銜磨一

庠生鍾潑

有傳

庠生顧熊

有傳

朱廣仁

罵賊被害

朱大裕

弟敦賊被戕

王濤

有傳

汪光孝

有傳

張鎬

字湘舟

畢廷燦

字少溪年

畢以壽

年延燦子

張韻石

工樂

胡旦然

有傳

翁以杰

有傳

吳安慶

周永高

曹天福

謝炳

徐天珮

弟天璫

徐鴻基

支錫祺

葉關通

沈二官

沈四官

謝承烈

任老和

黃竹溪

工寫照

王鏡心

字錦堂

任洪秀

費老元

楊老美

陸麻團

不知其名日賣麻

吳汝言

自王濤以下俱被戕死

程照

并罵賊被戕

監生張慶溶

施法

王忠錡

楊松舟

彭勝洪

彭三官

程七官

程光炳

以上俱被擄  
不屈旋遇害

徐天璟

周省三

以上俱  
被焚死

武生蔡家驥

顧肇豫

字荻  
江

程佩垣

汪雲波

以上俱  
投河死

汪大官

汪士鍾

妻某氏二女  
一同絕食死

陳珠樹

陳象桂

陳宗濤

周三官

名應淮  
死鎮北人由嘉府采訪

右鎮南人已 旌載入嘉興府志

從九銜沈瀛佐

從九銜鍾文煊

從九銜沈琿

庠生鍾廷楷

附見人  
物傳

沈楷

黃裕德

傳有

張衡湘

沈福東

傳有

朱鴉頭

朱恂容

朱旭秋

朱五

趙冠千

李大

巡廳  
弓兵

費辛元

畢文煥

費以輝

莊八官

張大藻

張小藻

費承宗

王瑞方

鍾攀桂

費基

王錦章

孫永齡

朱福齡

張模  
被以上俱死

鍾萬盈

葉慶  
數退賊至追刀慶卒被賊殺呼

楊四官

境十三衆力敵被殺犯

徐尙德  
衆三圖賊死

黃豐

黃涉園

朱九官

徐雲樓

費如汾

投以河上俱死

費珍  
被賊以槍刺死復

韓其興

投被擄旋死

黃相升  
傳有

黃蕃園

黃承基

張士驤

胡迪  
擄以上俱被害

沈達泉

有傳子大官附

沈仰卿

絕食死

右鄉北人已 旌載入婁縣續志

徐明高

以下二人俱妻籍己旌婁續志未載

徐松  
俱被害

六品銜費晉盛

被戕

縣丞銜沈三錫

字香海被斫傷死

監生王澄照

字月潭居金剛橋

監生顧肇錫

字可山

程耀

咸豐十年寓松江府城四月十六日遇賊被戕

黃鞠

咸豐十年寓蘇州遇賊被戕見藝術傳

程思善

字敬萱被擄入城不屈死

程世燧

字黎叔絕食死

汪大榕

遇賊自死

丁曉春

建賊被九害

吳老勤

居四區三基浜御賊受傷被填濠溝中死

謝福炳

字季和

汪士金

士鍾弟死

汪來

士鍾長子被擄死

汪全

士鍾次子中縊死

王錦元

投河死

周錫元 投河死

許山舟 投河死 已旌 以上三人俱載

蔡家樹 鎮南人 未旌 有傳

周大官 被擄死

吳三和尚 居四北區 腿浜罵賊 被槍轟死 年三十二

曹瑞朱 與三和尚 同時被戕

邵繡亭 被戕已旌 有傳

鍾連科 被擄死 附傳

流寓殉難諸人

未入流沈昌 吳縣人 寄居楓涇 殉難

王純齋 嘉善人 在窰投河死 妻人在

沈鼎鏞 歸安人 被擄服毒死

錢佩 甯人 被戕死

葉菊隱 洞庭山人 子洪大 官同時被戕 蓉

趙炳南 松江人 被擄旋遇害

申福 無錫人 王淦 僕被戕死

右俱已 旌載入府縣各志

殉難婦女

從九品程菊孫妻王氏 女巧姑 同死 從九銜吳益妻王氏 以下八人俱被戕死

監生張四海妻朱氏

顏遇妻王氏

楊錦堂妻吳氏

陳四官妻丁氏

蔣祥麟妻周氏 十年八月

陳某氏 方官母

程大姑 監生女 櫛

楊繼榮妻鍾氏 被戕死 並焚其屍

黃友谷妻鍾氏 有傳

汪二官妻馬氏 與一子一死

職員陳鍾書妾夏氏 與女佩蘭 同縊死

監生張械妻程氏 械前志 作邦

孫械堂妻陸氏 以上俱自縊死

教職沈守洮 原名辰 淦聘妻程氏 有傳

廩貢生沈棣聘妻王氏 附傳

廩貢生謝江妾孫氏 年七

廩生謝洙妻費氏 年七

庠生許汝珍妻蔡氏 有傳

庠生吳江妻許氏

庠生張蘭亭聘妻謝氏 張籍



魯嘉麟妻褚氏

王二官妻陳氏

彭蒼培妻陳氏

程平齋妻戴氏

丁暢園妻宋氏 十年六

丁開益妻宋氏 十年六

吳汝言妻葉氏

唐穎川妻錢氏

王宗海聘妻蔡氏

陳某妻丁氏 鍾書子婦

戴笙六妻金氏

彭鳴皋妻孫氏

吳大姑 附傳女

朱大姑 松泉女

黃大姑 耀耕女

劉某妻張氏 張誠鑄家備婦

香春 小名區大注光孝家婢年十六以上俱投河死

黃三姑 職監紹良女在浦東遇賊投河死

汪臨波妻高氏

唐某妻周氏 穎川子婦

王大姑二姑三姑 俱文童勛夫女有傳

朱文榮妻陳氏 以上俱被焚死

沈文錫妻陸氏 阿北區人孫女同被焚死

顧大官妻節婦王氏

監生施銘妻沈氏

謝榦妻楊氏 幹前志作一廉以上俱絕食死

文童王大木妻節婦顧氏 見王濤傳

沈雲泉妻包氏 抱子投河死

顧之倫妻朱氏監生顧肇錫妻翁氏 辛酉三月遇賊姑媳俱不屈死

程合寶 應霖前志椒甫死

右鎮南人已 旌載入府縣各志

署陳留縣知縣吳承業妻陳氏 受刃傷復投火死

監生徐應祝妻畢氏 應祝嘉善籍居鎮北 武生程長齡妻夏氏

朱福齡妻王氏 費晉涵妻王氏 以上俱被戕死

程增榮妻姚氏 增榮前志作吟秋嘉善籍 葉某妻王氏 少尹嫂守節十年

方三湘妻張氏 有傳 任菊泉妻孫氏 有傳

任某妻程氏 菊泉嫂 附傳

任大寶二寶三寶 俱程氏女

任小寶 菊泉女 以上 俱自縊死

趙二姐 安民妹 被擄不從 乘間自縊

王錦章妻鍾氏 遇賊於孫家街 罵賊被戕死

陸進德妻沈氏 有傳

唐玉瀛妻胡氏

凌耀山妻高氏 女大寶

費如汾妻孫氏

黃某妻吳氏 在金母

葉三九妻郁氏

葉老元妻裴氏

王錦秀妻張氏 以上俱 投河死

張宏業妻葉氏 年八十九 被毆死

沈某妻葉氏 仰卿 母有傳

金德妻李氏 以上俱 絕食死

任松巖妻黃氏 有傳

孫尹元妻葉氏 貞子自 沈於河

右鎮北人已 旌載入婁縣續志

庠生張成之妻節婦施氏 十四圖人 被戕死已 旌婁縣續志失載

鍾錫璜妻張氏 咸豐十年冬遇賊 絕食死年六十五

蔡久益妻邱氏 居四南區 雨字圩 賊冒刃死已 旌圩罵

葉大姑 登觀女 居四南區 雨字圩 庚申十一月 侍母病在家 遇賊不屈 被戕死 同治六年 旌

許澄妻胡氏 同治三年 避亂於五庫 遇賊與女桂金同 投河死 胡年三十 九桂金年十一 以上四人 前志未載 見

善志 程大姑 世照女 庚申九月初 七日 遇賊受刃 傷越日死

程三姑 典史 繼女

流寓殉難婦女

荆溪巡檢范芬妾唐氏 紹興八年 被焚死 十四

庠生馬炳麟妻楊氏 常州人 投河死 金八寶 嘉善人 紹昌女

艾憇雲妻劉氏 吳縣人 幼子祖 壽同投河死 楊茂春妻王氏 嘉善人 投河死

右俱已 旌載入府縣各志

殉難紳民傳

陳宗元字子淵鴻墀子同治三年署福建漳州府經歷奉檄委往他處賊撲漳州聞警急返未及入城遇賊不屈死事 聞廕卹如例

程菊孫字淡如維岳孫從九品工詩畫精技擊嘗客遊燕晉間賦詠古詩驚其長老後歸僑寓嘉興隱於醫存心濟世博覽方書輯要編次爲四診便讀咸豐庚申知世變將作手寫所著書分遺親友自以世受 國恩義不受辱告誡妻孥毋渝此約至四月郡城陷驅妻暨二子投水死持刀出門擊賊賊蠶至攢刺之死并毀其屍其僕周貴匿舍旁親見慘狀逸出

述之

府志參忠義錄

鍾滌字養泉海甯庠生世居楓涇性孝友善屬文屢試秋闈不售家貧課徒自給居恆枯坐斗室詩書外無他嗜庚申九月賊至被擄迫以登舟不屈身受十餘刃死於官塘子連科亦

避擄遇害

善志

謝人杰字俊夫塘元孫郡庠生父松早亡母蔣遺腹生杰蔣出常熟文恪公後深明大義恆以忠孝勗之庚申九月賊擄人杰迫之行且走且罵行里許罵不輟賊怒攢毆之并斷其指人杰大憤罵益厲遂被醢事 聞優卹

同上

顧熊字仲山號躍飛桐子庠生讀書明大義詩承家學庚申寇警誓以身殉至九月遇賊於三乘庵被脅不屈遂投水賊舉矛刺之死於河中

同上

胡旦然字秋潮譏敍從九品居仁濟坊素有勇力庚申九月賊至持刀獨守里門口呼殺賊與賊巷戰踰時身受數槍而死

上同

張鎬字湘舟居鎮南性剛直庚申九月賊掠其家被擄至城隍廟前迫令登舟鎬不行賊怒縛諸廟庭樹上鎬大罵不絕賊殺之越數日面如生

上同

汪光孝字雲閣少孤事母孝賊將至扶母程出避遇賊不屈賊斫之頸已折而喉未殊猶大聲呼母賊焚其屍

上同

吳汝侗字寅生庠生事父孝父復晚年好徒步閭巷出入必扶持復館許氏汝侗訓蒙於家朝夕必趨父館定省無間辛酉三月遇賊被擄入城越數日被害

上同

王濤字雲庵父大木早卒事節母顧以孝聞爲人恂恂自飭辛

酉三月賊掠其家擄濤去母追奪之相持而泣賊刃傷其母

濤大號賊怒並殺之越數日鄰里哀之醮資以殮光緒癸巳

里人就其故址建祠祀其母子焉

上同

翁以杰字澹齋居小橋里避亂魚池堰辛酉八月遇賊掠鄉大聲叱罵賊怒遂支解之

上同

陳珠樹字漱泉性孤介辛酉八月粵匪犯境珠樹忍飢不出獨居小樓絕粒以死年七十一

上同

蔡家樹字愚軒以風節自勵庚申秋粵匪陷嘉善人心正危紛紛遷避家樹侍母疾不去後母亡與弟妹輩居喪盡禮有勸以他徙者不聽未幾賊猝至被脅不屈臂受刃傷越旬餘卒

上同

黃相升字時園居鎮北卒酉三月與弟蕃園俱被擄初猶冀乘間逸去既而賊仍回嘉善相升兄弟被驅入城知不可脫因相約絕食以死

朱鴉頭十二圖人常乞食於鎮辛酉三月遇賊賊欲擄之去鴉頭曰我一丐耳何用擄爲賊曰從我去富貴惟所欲曰我惟不欲富貴故乞食不然爲盜賊有年矣賊怒殺之

采入婁縣續志

陳衡湘居鎮北事父孝庚申九月賊擄其父龍海去行未遠衡湘覺急追之大呼殺賊賊刃之身被數創而死

黃裕德鎮北人庚申九月遇賊於途時與一鄉農同行賊追之二人并力奪刀殺賊賊稍卻呼衆至縛兩人於樹以火鎗轟

斃惜乎鄉農無識之者故姓氏不傳

沈福東字大照八圖沈家浜人耕田爲業性慤直同治元年賊至其家福東大罵不絕口賊殺之裂其屍縱火焚其居骨肉

灰燼

沈達泉居泰平里潔清自守辛酉三月賊踞其家達泉與子大觀同匿一室賊不加害既而知其無食與以脫粟達泉以賊所與義不食與子同餓死

邵繡亭一保二圖人咸豐庚申罵賊被戕子祖望爲定慧寺僧具請旌表光緒二十五年即於殉難之地建立坊表主簿

阮維勤聯云血濺魂飛當日殺身完大節風號水咽祇今罵

賊有餘聲

新纂

殉難婦女傳

王氏三女長年十八次年十四幼年八皆文童勗夫女粵匪至其母出偵探被擄鄰婦謂女曰此非善地盍出避他所女堅持不出曰吾三人有誓矣脫不免願死在一處不爲賊污也後所居屋火俱焚死他日母以計脫歸至死所檢骨骨無幾祝曰三人盡死於是願各嘯一聲旋聞空中有騶騶聲者三遂收殘骨以葬

蔡氏雲英適庠生許汝珍性至孝許居夜珠浜離鎮十餘里以母疾歸侍湯藥母既卒寇警益逼兄家樹迫令歸夜珠氏以母骨肉未寒不忍去庚申十月猝遇賊先以善言紿之急出門赴水死

程氏引璋富陽訓導光熊女字候選訓導沈守洮幼讀書能知禮義值粵匪猝至偕其妹出投河妹以衣帶爲橋柱所絆遇救不死而引璋已氣絕矣其姻王氏監生銘樓女許字守洮從姪廩貢生棣避賊桃源巷途遇吳埒女大姑相謂曰夜黑昏迷可奈何與其見辱盍先死因相與結帶沈於河皆庚申九月初六日事也程光熊作雙溺詩弔之千古艱難事誰云不可雙聯珠爭皓月合璧碎驚瀧正氣軍能奪幽光筆獨扛銀餅餘烈在東去浪淙淙

孫氏任菊泉妻賊犯境與其長婦程氏謀促菊泉遠避謂曰君未有子伯氏亦無後速遠出以存宗祀可也吾輩婦人死何足惜菊泉既去二人以帶縊程所生女三孫所生女一既畢

同自縊賊退後有潛歸者見其門穴書曰室有縊死婦女六人好善者速爲收殮越日鄰人漸集爲藁葬焉

張氏方三湘妻三湘被賊擄去氏謂夫弟部三日夫存亡未卜吾恐被辱叔急攜吾子遠避吾死無憾矣遂自經死

采入婁縣續志

黃氏任松巖妻年五十餘賊至其家急啓後扉躍入河賊援之起無害意甫至岸氏掙脫聳身中流賊怒以槍連刺之水爲之赤

沈氏陸進德妻十一圖皇字圩農家婦也賊將至挈一子一女

謂曰汝輩幼須死在一處同繫一索自沈於河

婁縣續志所載傳別是一人

鍾氏黃友谷妻賊未至誓必死既而投水數次不死卒奔仁濟道院中自縊死

### 續修楓涇小志卷十

志拾遺

里人程兼善達青重纂

拾遺

陳賢良隱居時好騎犢往來塘上嘗作歌曰我騎牛君莫笑人間萬事從我好千金市骨駿馬來乘肥大約須年少蒲爲鞭草爲轡白牛塘上柳影裏看雲看水要行遲輕叱緩驅塵不起布袍葛帶烏接羅田家裝束不時宜匏尊注酒就背飲阜囊貯書當角垂我狂吟醉欲倒同醉同吟白雲老此老不可天下人一住此間三十春聲如洪鐘目如電七十神光射人面上牛下牛不要扶合與山中作畫圖汴州馬上顧如何春泥沒腹仍濺帽夜半歸來人亦痛天真喪盡百憂集衣食毛

髮歸妻孥爭如來騎牛水光雲影俱悠悠

宋史陳舜俞傳謂隱居白牛村嘉禾志謂在白牛市又謂騎犢往來塘上塘在市北白牛蕩濱今有村落曰北廟港去市里許其旁廢址一區荒煙蔓草中猶有殘石斷甃苔蘚斑駁故老相傳謂賢良隱居遺址即是此地雖無可徵然先生之風山高水長益足令人低徊景慕不置也

元至正十六年春正月戴君實家柳樹若牛鳴者三二月官軍

亂越三日苗軍至大殺掠兩月乃止君實屋亦燬

穀耕

戴君實妻王妒悍一女贅謝季初爲壻君實更納妾得男王聞之早夜怒詬君實不得已遣其妾取兒歸婦恐其長大分女財酷加凌虐兒陡發驚疾又不容療竟妖越三年自孕將產

夢抱此兒及晚得男隨殞於孀兒亦不育

迪吉

陳愛山買顧氏廢族石假山一座移置家園一日邀顧淵白觀

之指而謂曰此公族中物淵白笑答曰東搬西倒陳嘿然

耕

錄

明初鎮南務司庫被盜劫時法令嚴究及大戶不行防護王樂山長子裕二因而罹害問徒南京大祠新服雲南凡徒人悉發雲南爲戍裕二以期未滿隨配金齒衛右所王氏軍籍自此始矣

明經王嘉會宋龍圖學士十朋十四世孫元季遭世逐鹿卜宅於清風涇之南小地字圩明洪武初下詔徵辟賢良三途並用嘉會以明經授國子監司業嚴立規模造就多士以老請



歸有題其門者曰昭代賢良第宋世狀元家

明天順十六年奉四南區民家庭前產芝三本

善志

嘉靖三十三年甲寅倭夷入寇四月九日至楓涇五月庚戌自

風涇抵金澤鄉兵浙兵三百餘艘圍之馬家兜癸丑賊潰圍

走半入風涇半出石湖橋山東省祭官孫鏗帥衆追入庶橋

弦絕復張伏起無援與從者十人俱死嘉善令章士雅議於

風涇地方撥衛所官一員領兵數百駐劄演習熟其地形謹

其烽墩儻遇警報可當一面以爲外蔽

善志卷  
松府志

榜眼李自華有心疾偶偕一二同鄉謁徐存齋相國留午飯時

存齋衣截摺自華曰老師何故著胡人服存齋曰孰爲中國

之服自華曰門生所衣者便是蓋道袍也存齋哂之

見雲間  
雜誌

李稅生數月遭倭亂母抱之奔避度不得脫泣而置之橋下母

走匿自完越宿寇追母往撥草視之兒酣睡如懷中攜之歸

里中傳異後稅以勤儉起家子孫繁衍科甲不絕舉人嘉生

進士振宗皆其孫也

善志

庠生蔣裔奉賢鄉人倭寇至里人爭走避卒遇害裔將出一犬

銜其衣若留之者遂不出得免於難一夕渡泖衆皆失風裔

忽見蘆梗環阻其舟遂泊不行咸謂裔嘗賑饑行善之報

善志

新補

六硯齋筆記云余從楓浦回經魏塘過石夔甫品畫次石夔嶺

云去此七八里有光德庵係陳賢良捨宅所建有貫休畫羅

漢十八尊乃急欲一見夔嶺躬往謁主僧負之而至一一諦

觀神采如生大都祖道子法衣紋濃瀟飄撒正如水荇泛波  
之狀一軀僅十餘筆而就面目肘腕用鐵線描法簡而神奇  
豈即其應夢而得者耶

妙常庵闕和尚一日偶於庵前水次洗甕鄰人某素相狎戲之  
曰師大辛苦何不反而洗之闕笑應曰諾隨手舉之如反布  
囊然甫及半某大驚詫鄰人咸集闕遽起入內跌坐示寂時  
有從魏塘歸者遇闕於途謂曰天將雨可速歸煩寄語弟子  
余有敝鞋曬屋簷上亟收之曰師何往曰不遠耳其人抵家  
果雨急詣庵而闕已先一時化去矣

沈金陸鹿  
蕉談柄

支立之父茂初爲刑房吏有囚無辜陷獄意哀之欲求其生囚  
語其妻曰支公加意愧無以報明日延之下鄉汝以身事之

或肯援我妻泣諾及支至其家妻出告以夫意支正色拒之  
卒爲平反囚出獄夫婦登門謝曰公加此厚德我有弱女送  
爲箕帚妾是則禮之可通者支爲備禮納之生立弱冠中魁  
曾孫大綸登萬曆甲戌進士

迪吉  
錄

顧態性至孝父納婢生二子而薄態態孝愈篤以舌耕爲業束  
脩悉以奉父某年館張氏張知其故開館日即餽束修之半  
謂曰今日之餽尊翁不知此間有田求售盍購之收其租以  
濟私用態曰吾豈爲幾斛米改其心以欺親哉卒持以奉父  
後積貲置田百餘畝與婢出弟均析之父既死態曰父之所  
愛亦吾母也豈以存亡異視乃迎婢奉養以終子太僕卿際  
明純孝如其父

浙江通志  
參閱室燈

進士沈泓性至孝崇禎癸酉應試北闈時都人士夢見天榜第  
二名下注孝子二字及榜發泓以南卷抑置簞二於是孝名

遍天下

見王廣心撰墓誌

沈進士泓為節母求海內詩文數百篇置諸篋中遇盜失之號

泣道中七日不去時余山寺老僧晨起見供案上有一卷書

封識甚固署曰煩上人親致沈孝子因復得之

善志

昔有錢氏自稱王妄欲圖霸興工築城遇雨張蓋其母呼曰繖

錢告母曰何不云樹笠蓋諱散字也自知所圖必敗遂拔劍

斬繖於北夜圩池中擲劍而去後人名其池為繖骨淩大旱

不竭常有一大白魚浮淩面或謂劍之變化又名其涇為築

城涇至今高埂尚存其東西北三村多錢姓焉

嘉善志

曹庭棟

詩曰無端蟻聚還星散事業惟存水一渦俠氣千年流不盡

劍芒閃閃躍清波

徐生讀書光德庵少負時譽一夕夢神謂曰我有文七篇在座

下今科場題也子熟記之可膺首薦明晨往視果在焉朝夕

記誦無遺及入場七題無一爽者迨和墨濡毫竟茫無一字

因信筆終場而揭曉仍無名焉事與宋時神作來歲狀元賦

相類蓋徐生好武斷鄉曲或有遺行而失之與

徐岳聞見錄

國初曹冷民幼苦踐更田畝悉書白券與人李復興令婁冷民

作詩並書授之宛然鄭監門圖也及詳定均賦乃悉取田籍

焚之曰令子孫勿作汶陽想耳孫復元官溧陽教諭歲饑查

賑作五言詩五十九首以代監門之圖當事為之惻然

松府志

柏斯民古嘗寓珠街閣圓津禪院每當賓客宴集輒就其所作  
掀髯雜誦旁若無人又嘗出遇耕牛指之曰此真不素餐者  
人以爲癡不知其胸中介然也

青浦志

康熙初里中多布局局中所僱染匠研匠皆江甯人往來成羣  
擾害閭里民受其累積憤不可遏糾衆斂鉅費閉里門水柵  
設計憤殺死者數百人聞其時推濟美  
布局官黃翁出理訟  
事竟得不抵後死者家屬數百人各以白布縛首持械復仇  
卹以貲乃罷黃翁有子八人孫一人相繼而亡鎮南王某居  
臨河當憤殺之夜有十數人伏水閣下叩頭請死王悉納之  
明日託故不啓肆乘夜具舟送諸百里外後其子孫繁祉有  
仕至監司郡守者今玉虛觀址有康熙二十二年案碑

見吳過坤

天咫錄

曹哲庭奕霞五君詠序曰余少時獲從之游詩文往復交契忘

年今老矣倦游息影而五君亦相繼辭世人琴增感各賦一

詩聊志不忘夙好云爾其懷高陽里沈逋翁浚云茫茫四十

載無復舊追游客散高陽里人歸白玉樓撫絃懷月夜紉劍

佩蘭秋自識逋翁後心香一瓣留懷芋栗園柏山人古云憶

昔先公在多君展過頻自稱柏學士  
自題所居名老作雪耘

人  
晚號雪耘癡絕難諧俗  
人目爲詩工豈療貧  
著有一從歸

碧落海內想遺民懷山曉閣孫高士琮云蒙賞桐廬句  
先生

余江到桐廬逢人百遍吟撫今悲隔世追昔感知音鸞嘯歸  
不上潮句空碧龍文黯夕陰幾回登曉閣愁絕整遺琴懷書龕施處士

椅云讀史綜今古蓬蒿老異才朱門招不往白社卻偏來詞

賦曾何補饑寒信可哀沙邊遺釣艇名室明月共徘徊懷河干

李孝廉永祺云廿年如一夢迢遞憶燕京風緊嘶疲馬春寒

澀曉鶯忤時應下第經世亦歸耕鶴君寄余詩有我巳許時

句遺有河干詠著有河香風轉杜蘅五君者浦翁為幾社名

流山人則孤介絕俗高士寢饋經史孝廉以詩文雄於時皆

里中傑出者也處士故明諸生為華亭望族鼎革後徙居善

邑文水漾側一室圖書寢食坐臥其中自號書龕著有尙志

等集其為鎮人與否則未敢必也善志流寓有傳

許進士涓幼失怙因依其舅居干窰鎮十歲時附柴艘至斜塘

路經連翠橋適大霧失足墮河而舟人不知也方浮沈間見

一緋袍神以手挾之曰子有後祿當援爾挈之登岸恍惚中

已抵舅家後偶過其地見橋畔有紫微侯祠乃悟拯己者即

侯也後以進士令湖廣石門縣入祀名宦祠二子皆貴顯善志

康熙中鎮南關帝廟有雲游僧掛褡其中年五十餘夏日諸無

賴避暑殿上聚而羣飲僧斥之無賴怒勢將用武僧袒其腹

曰請擊一人奮臂入踣於地衆掖之起已斷三指僧笑曰如

此伎倆亦豪橫乃爾於是相戒不敢犯閱二載僧以病歿發

其篋惟鐵椎二重可三四十觔更無他物善志

陳太學仁初艱於嗣入太白山天童寺謁天岳上人上人曰有

子無子總在寸心歸而力行善事閱三載復往上人遍召寺

中僧問曰陳善士未有嗣爾衆中有願為其後者否一執爨

僧進曰我願往上人領之謂陳日子歸有子矣既而子廷敏生幼即好跌跏坐及長以焚香掃地看花讀書為事甲辰夏偶患腹疾作傷曰錢塘江去是吾鄉眷屬空花枉斷腸誤把一靈投五濁這回認得白雲莊含笑而逝天恩錄

上巳賽神莫盛於楓涇每邀梨園數部歌舞達旦謂神非是不樂也康熙癸丑三月偶演秦檜害岳忠武事曲盡其態忽一人從衆中躍出刺演秦檜者死其人業皮工所操即割皮刀也執縛送官訊以擅殺平人之故仰對曰民與梨園從無半面實恨秦檜耳初不計其真假也有司憐其義憤竟以誤殺

薄其罪焉

董舍三崗識略

康熙時顏俊生築惠安橋工將竣時橋心一石屢易不能平有

丐者笑睨其旁曰此易事耳取篋中朽板二塞之立平衆異之丐忽不見迄今百餘年朽木如故按之微動而石不欹鹿蕉

柄談

浦元量廉訪當未第時家甚貧年三十尙未娶有樂工黃姓稍有蓄積年老祇生一女屢許小家子弟輒未及婚而婿卒後元量娶之婦翁勸之讀書於是下帷攻苦至秋中副車旋登賢書復捷南宮歷官至直隸按察使婦受三品誥封至今傳

為美談

曹小志

雍正時有某姓妻懷娠彌月將產忽暴亡厝於野數日後有過其旁聞兒啼聲異之走告其夫夫至厝所果如所語因破棺見有兒生抱之歸寄乳以活及長僅以山貨為業了無奇異

人以鬼兒呼之曹小志

婁真人近垣 憲皇帝時召入京師居 光明殿有妖人賈士

芳之鬼為患真人為之設醮禱祈立除其祟又在 上前結

幡招鶴頗有左驗 上喜之封妙正真人真人雖嗣道教頗

不喜言煉氣修真之法云此皆妖妄之人借以謀生耳焉有

真仙向紅塵中度世也先恭王禮親王延至邸問其養生術真

人曰王今錦衣玉食即真神仙中人席上有燒豬真人因笑

曰今日食燒豬即絕好養生術又奚必外求哉王深服其言

曰婁公為真學道者始能見及此也年九十餘始仙逝嘯亭雜錄

新補

嘉興楓涇鎮一黃姓者素患弱症獨宿店中忽一夜見有數人

自門縫入一人持布袋羣坐而語曰近東則有關王廟某僧

誦華嚴經恐觸之不便過西則施家有獾犬可畏不如從下

西街去為便耳遂出袋內牛頭馬面戴之而去其人知為鬼

也自分必死矣未幾聞鄰哭聲則一產婦死矣黃起見鬼遣

一小牌拾而視之姓名八人一即鄰婦餘僅記三人看未畢

前鬼復來奪去雞鳴探此三人者則皆物故矣述異記新補

謝翁逸其名生一女許字里中某氏子後婿家中落貧不能行

親迎禮某歲元宵前一二日翁突至婿家約元宵步月來索

酒食婿諾至期又給其女曰今夜可同步月擊之往既而詭

言覓一息足處竟至婿家女不知也呼婿出曰汝妻至矣今

夕何夕見此祭者謂其女曰此即汝家也今夕何夕見此良

人趣使合巷遂成夫婦禮翁暢飲盡歡而歸識者謂其通達

唐古檀  
清綺集

夔涇劉猛將軍廟前有漾廣可數十畝中有大鯉體生綠苔係  
數百年物每見則村中必多災患躍時水湧如沸聲如雷村

人時有見之者

曹小  
志

州同畢漢白居永昌坊其子婦娶江蘇織造闈者錢姓女生一  
子甫二歲夫婦俱亡既而織造以虧空獲罪連及錢錢誤供  
有寄頓在畢氏遂曹籍沒漢白以瘐死追家屬乳媪姚氏抱  
襁裸兒坐獄迨乾隆元年事雪議返田產族人恐遺累竟以

丁絕報其田十頃遂撥入蘇州普濟堂

曹小  
志

林明經泓亭為人端重設帳授徒從游甚衆乾隆壬申秋病劇

呼二子具湯沐自起頰面盥手索紙筆題云六十年來夢裏  
身硯田鋤口作勞人今朝夢覺灑然去月白風清不染塵擲

筆而逝

許漢文  
碧新編

顧孝標惟本住鎮南趙赤繡金簡住鎮北以詩文名於時人呼  
爲南北兩高峯曹興門復元詩文不讓二君常游歷他鄉人  
以縹緲峯目之蔣百城文明所居距鎮十里每到吟壇輒疾  
走大呼曰飛來峯至矣時號四峯先生

楓溪竹  
枝詞注

乾隆十六年 上南巡至浙三月初五日 召試西湖 行宮

欽取謝塘爲一等第一名其紀 恩詩曰近侍傳宣 試

彼都靜聽 宮漏集金鋪 頌題共仰 王言大角藝羣欽

文教敷縹筆青袍環斗極碧桃紅杏列 天衢衡才玉尺



歸吾 后秀氣常浮明聖湖數日後有 旨又紀以詩曰幾  
度秋風蓉鏡寒瑤池春暖忽樓鸞名題 寶墨濃香薰 詔  
下黃麻湛露溥平視桂堂歌小雅榮趨薇省 授周官 主  
知親許最精者驚喜文章矢報難 高宗南巡時蠲錢糧廣  
學額賞賚男婦七十以上者 湛恩汪濊不可殫述並有  
上諭此次考中之謝墉陳鴻寶王又曾皆取其最精者且人  
數不多若加恩特賜舉人授爲內閣中書學習行走 聖上  
特達之知榮於薦辟多矣

西湖 召試謝垣亦與焉 欽取二等其恭紀詩曰廣樂鈞天  
振金門奏漏長湖光搖殿閣嵐氣屢旂常躡濟千官集赴桓  
七萃裝小臣慙薄技祇肅列駕行一時 恩遇棣萼聯輝論

者比之郊祁軾轍云

聖駕南巡時謝墉又作頌四章頌曰 聖人敬天自強不息展

義 時巡聿來南國南國之人稽首順則 天無私覆 主

有令德於萬斯年與天無極章一 聖人法 祖不敢自康

六龍時邁俾民近 光觀風問俗率由舊章 聖祖默相錫

祚純常吾 皇游豫從此無疆章二 聖人孝 親 孝思是

懋 御輦初巡 慈幃萬壽惠此南人 雲瞻 日就錫類

永言介福斯受大哉 皇仁惟 天所佑章三 聖人愛民省

方申令萬物皆春 一人有慶乃蠲正供 恩膏斯盛山擁

興龍湖涵明聖賡歌太平樂予兆姓章四 他日賡歌 一德卷

阿矢音始肇端於此矣

蔡以臺大魁天下臚唱後有二絕句云 天門誅蕩泰階平五色雲開雉尾橫一曲霓裳聽未闋臚句又唱第三聲龍虎雄名翠墨題禮官捧出月華西紅綾故事傳江曲一路笙歌送馬蹄沈宋才華非郊寒島瘦所能著墨也

華亭舉人朱寬丁丑元且夢觀天榜見狀元姓為草頭其名上一字極扁下一字極長有濃煙籠罩不甚了了而籍則嘉善寤後以語其友沈師君沈漫應之既而會狀兩元乃蔡蘭圃以臺寶符夢兆云

善志

蔡殿撰以臺寓京邸時當元夜作上元竹枝詞有歸來暗向燈花卜管取君恩賜狀頭句及大魁天下其詞尚粘光明殿道室屏上俞爾昌未登進士前有懷內詩云而今莫說頽唐話

定覓泥金報鳳樓是科果售二人皆有詩識

曹小志

乾隆辛巳里紳蔡秋澄集邑中耆舊仿香山故事為九老會在會者典簿戴賓年八十八封翁程緒祖司訓蔣元州牧顧心錯年皆八十以上封翁蔡維熊閣學許王猷年皆七十以上封翁謝永輝州牧錢家墜徵君曹庭棟皆六十餘設宴陳樂賦詩繪圖其堂曰尊德遂以名會刊有尊德會詩集吳門沈文懋德潛為之序其畧曰乾隆辛巳四月魏塘秋澄蔡封翁集邑中年高同志者九人吾師閣學許公二蕉戴翁纘三程翁準庵蔣翁虎仲顧翁宸園謝翁第五錢翁六圃曹翁集於所居之尊德堂略爵位序年齒開筵張樂諸家子弟以次起居上壽宵分乃散明日各著詩序紀事誠太平佳話也且會

名尊德見達尊之三德爲上齒次之爵又次之今九老謙沖敬慎以衛武之耄而好學爲期子弟亦俱兢兢於謙抑使鄉黨聞風咸知以德爲尊而日趨於厚也今圖冊猶存蔡氏後人珍藏之不輕易示人云

茶亭僧萬年窮當其受戒時主僧例呼問曾破犯戒律否其下例亦胡盧應之獨萬年窮叩頭雪涕言某年月日丐婦避雨入亭因止宿焉犯淫一某年月日有鄰雞飛入牆掩殺而食之犯盜與殺爲二衆莫不掩口平時拾字紙遺粒甚勤受人布施輒以其餘更施貧者乾隆某年預尅期遍辭常與往來者云某日將往好處去矣至期視之已寂此僧但以苦行施捨不妄語三者得證善果彼舌翻三乘者無愧此乎

天咫錄

乾隆二十三年六月二十七日大雷電楓涇關帝廟臺柱盡裂

善志

乾隆三十三年夏大旱四北區戴浜麥秀兩歧

乾隆四十年夏六月十八日黃昏時颶風陡作大雨如注平地水深數尺二更後風愈猛聲如萬馬奔騰屋瓦皆飛輕若稿葉楓涇海慧寺前老榆二株爲風拔起農家碌碡有吹至半里外者至四更稍息所在屋宇坍塌甚多

善志

謝東墅少宰歷掌文衡得人最盛如阮相國元劉侍郎鳳誥皆出門下時值大考人問誰當壓卷答曰不是劉郎即阮郎是年劉取第一後三年又值考期間答如前既而阮取第一門牆之盛藻鑒之精傳爲佳話

謝金圃侍郎典學江蘇夢唐錢起來謁稱門生甚異之翌日點  
名果有名錢起者侍郎以前賢名不可襲乃改槩字即湘舫

三元也

見聞錄  
筆新補

俞進士爾昌爲諸生時夢至一山石上有一彌勒佛像上刻菩  
園二字醒而異之遂號菩園後出宰四川仁壽縣署在上峯  
最高處多菩提樹石壁所鐫宛如昔夢因築一亭題曰菩園  
迨解任養疴於中曰我其終於此乎口占一絕云十年前此  
夢中游迎面青山翠欲流幻豈是真真即幻築亭間擬號休  
休疾數月而卒

蘇碧  
新編

里人結詩社折衷於比部謝東君垣有俞雲舫佚其名詠荷包  
牡丹云桃花如錦柳如煙最是陽和三月天我欲買春春不

住爲伊囊內卻無錢東君歎賞不置厚贈之

曹小  
志

蔡思韓廉好道術遁入茅山求得服氣鍊形法能神游百里外  
歸而以符水治病輒效又能祈小雨開頃刻花年八十餘知  
將爲異物乃焚符錄投得泉亭井中病者汲飲立愈卒後遺  
書甚多半屬符呪家人聚而焚之煙氣凝結中有物向天噓  
氣便覺昏黑室中物盡飛騰自相擊觸逾時始定庭中一樹  
枝葉盡削挺然老幹而已

張太學正銓字雪門十齡時與鄰童過荒塚間見髑髏戲溺其  
口俄而病恍惚至一署有官南面坐責問何故穢人骸骨張  
心知髑髏故惟祈原宥官檢籍畢曰爾祿壽尙綿今姑宥爾  
命吏引之出至堂下見羽毛之族紛然向之乞命詰之皆平

日所戲殺者惶怖無措吏諭之曰渠大限未終回生後爲爾  
等作福可也舉手撲張背蹶然而醒已氣絕一晝夜矣自後  
日誦金剛經放生戒殺壽至八十三歲

善志

陳光祿楓崖嘗言楓涇一上舍生讀書別墅見草萊間一片石  
已斷裂剝蝕偶有一二成句知是天逝女子之碣意其墓必  
在左右生故好事每於石上陳果茗祝以狎詞越一載見麗  
女獨步畦間手執野花顧生而笑生趨近其側目挑眉語忽  
凝立直視若有所思自批其頰曰一百餘年心如古井一旦  
乃爲蕩子所動乎頓足數四奄然而滅方知卽墓中鬼也蔡  
殷撰季實聞而論曰古稱蓋棺論定觀於此知蓋棺尙難論  
定也是本貞魂乃一念之差幾失故步信夫朱晦庵先生詩

曰世上無如人欲險幾人到此悟平生

閱微草堂筆記

董宗伯邦達選庶常後其父就養入都附糧艘至天津暴疾遽  
歿宗伯徒跣三百里扶襯歸至臺莊阻淺貨竭遭旗丁白眼  
議遷柩古廟中措貲以作歸計適楓涇陳香王以守闈散步  
河干見之呼曰孚臣何事至此聞君驟貴乃憔悴如許宗伯  
稽顙備告近狀香王曰吾方入都坐監挾二百金此去八十  
金可達今君有急卽以百二十爲贖宗伯藉以歸喪後服闋

赴都輒爲香王說項

第三異筆談

乾隆乙酉

南巡沈映暉獻畫

召試第一

賜內緞隨駕

進京 內廷供奉有恭紀詩四章江南草長乍遷鶯 玉輅  
青旗下鎬京萬姓共欣攀 日馭 九重原爲省春耕異才

早信徵詞賦薄技先容奏氏名一自雲山叨 睿賞墨花惹  
得 御香清雲罕晴空映日揚迎 鑾喜氣滿金閭曾從古  
典稽堯舜真覺清時軼漢唐載筆獨嫌臣草莽近 天叠荷  
帝龍光澤攅回首吳興舊何幸翹瞻 繡繖黃 御鑪香  
藹五雲羅 行殿朝看集玉珂情洽吳山 游自豫 澤隨  
春雨下偏多荷囊捧出螭頭 賜鶴緞 頒從雉尾過慚愧  
青衣依巷里也隨鴛鴦沐 恩波筆硯常趨供奉班長洲猶  
記昔衡山不才敢謂煙雲養 眞鑒翻綠水石環客路星飛  
青雀舫故鄉釣謝碧蘆灣精鏤領自承宣府夢繞層霄叩  
帝關 高宗萬幾餘暇書畫皆聖 睿鑒之精亦千古罕匹  
映暉 召試冠軍吳偉狀元不能專美矣

沈雅堂明經有辛卯元日恭進瑤圃熙春迎喜添籌兩圖其題

瑤圃熙春圖云鳳紀傳春早

庚寅十二月二十日立春

元辰

渥澤敷八

風驗從律九寓頌含舖

瑞啓蓬萊境

祥徵豐樂圖

堯

民同皞皞吮墨識康衢迎喜添籌圖云獻歲祥飈次第吹日  
華晴映萬年枝入雲雅奏胎仙集擊壤歡聲鵲喜知頌紀九  
如符 慶節 恩覃八表協 昌期近階小草欣承 澤景  
繪 中天五采施雅堂以書生侍直 內廷凡有所作輒邀  
睿賞其筆墨之光誠千古罕匹

賽神之舉莫盛於楓涇始於乾隆癸巳藏至戊戌更踵事增華  
後間三四年輒一爲之擇童子十歲以下貌端好者遍扮諸  
天列宿盡態極妍衣皆奇麗珠以萬計金玉以千計其有不

足則假諸鄰邑互相誇耀舉國若狂費幾累萬至期士女傾  
室往觀百里內聞風而來者舟楫雲集河塞不通一時傳爲  
勝舉然廢業耗財莫此爲甚當事者能禁而革之亦挽回頹  
俗之一端也

善志

定光庵前後古塚纍纍敗棺尤多諸生陳弋荅擬集貲作石槨  
檢骨以藏俾免暴露曾募於戚友之殷實者卒無以應惟沈  
雅堂獨力任之其子步垣旋入詞林列清要人咸以爲作善

之報

陳大裕  
善徵錄

乾隆時民乏食忽喧傳太湖上一山出粉白而膩羣稱爲觀音  
粉我邑飢民之舟亦銜尾往取用砂糖沸湯調食可以療飢  
有攬以五穀而服者亦無恙若單服此粉多致腸實大便壅

塞而斃

遺睡雜  
言新補

楓涇鎮有沈二者好食狗肉殺狗無數乾隆丙子歲沈年逾五  
十抱疾甚篤昏迷中見獮犬數十繞牀齧其體大聲呼救其  
子趨視了無所繼臨歿時自投牀下兩手據地作犬吠聲

善志

新補

歛人黃元祺流寓里中精拳勇有董四娘者繩妓也纖跌妍質  
以手搏馳名諸少年之善技擊者與四娘搏當之輒仆適元  
祺過其處衆嗾使與四娘角元祺初不前少年固強之四娘  
驕甚纔一交手四娘知不敵遽騰其足及元祺頰元祺引手  
捺之稍其履四娘蹶於地衆闐然笑其夫索履元祺叱曰爾  
等獵食江湖奈何懷如許毒意今日幸遇老夫若他人骨斷

矣因出履示衆視之履尖藏鐵其夫頓首伏罪乃還其履并  
予之藥使歸以療婦視其足色如墨腫已至膝時元祺年七  
十餘背隆然行必需杖人益奇之

新編

涇上鼇山爭奇鬪巧變幻百出鍊金作柱細如指以錦繡飾之  
使不見跡上乘童子裝點故事綴以金玉珠翠必使絢爛奪  
目而後已數壯夫昇之以行畫樓中多以果實相餉

說

仁濟道院三清殿四壁悉畫天神像相極端嚴相傳明旨德時  
有道人借宿廡下明日覓之不見而諸像已羅列壁間自後  
殿中每夜聞風雨聲廟祝懼以墨塗其目乃止今歲久湮滅  
尚存十數像神采奕奕令人肅然生敬

善志

咸豐庚申遭兵燹

片瓦無存今惟古銀杏兩株挺然並峙

前志

光緒壬寅四月十

三日西一株自焚僅存一株

新纂

雲間董氏蕁鄉贅筆載某官解餉路出秦郵見沙際有光跡之  
得古玉印雙龍紐其文則漢高祖大風歌也獻之朝獲大賞  
乾隆時吾鄉農夫墾田得印亦刻大風歌二十三字玉質蒼  
黝真古物也爲玉虛觀道士所得妄將歌文琢去改刊示號  
有原印文數紙道光時猶藏吳復家許辰珠作長歌以紀之

鹿蕉談  
吟薰閣詩序

前輩文士多有鍊筆錄者本道家之術有符訣有攝坐功夫然  
必遵行功過格始故非端士亦不能習末俗佻宕此風遂爾  
闐然非畏鍊之難畏行功過格也里中李某鍊筆錄術已成  
一日舉筆忽大書曰李某調戲某氏婢下次不可某俯伏駭



汗自此不敢執筆者月餘後強試爲之又大書曰李某已於某月日與某氏婢成姦若再召我當取汝命投筆作霹靂聲驚世欲絕自是不復應試改業爲醫

天咫錄

浙江某科鄉試某號中驀見窈窕女入第幾號去同人失色相約伺候傍晚一少年至因告以故少年曰有之予七八歲時從某先生游先生有女在塾兩小無猜時同嬉戲泊予入泮私告母俾蹇修者求婚先生不許遲三年復請終不許遂別訂他姓是年女爲異物予何虧負也人信無傷不復阻撓迨夜半號中作聲趨視之舌已出瀕殆會有楓涇陳祁瞻素壯語曰卿事頃已盡悉咎在親庭干渠甚事少年作女子聲曰吾與生兩相歡悅不涉於私亦可以對諸君生雖不負吾但

我死爲誰今非索命不過討一究竟耳祁悟其意曰然則請於尊君吟異室同穴之詩何如曰固所願也第此後先生們雲散誰爲主者須某號某號兩先生書據畫押作證我事畢矣同號允諾少年醒是科少年與作證兩生同中遂約行前

議迎柩以歸

節明齋小志

楓涇鎮上南浜有朱某者捕魚爲業殺魚鰕不勝計有子八歲乾隆壬子夏月戲於門首魚叉在側觸之刺入肋間血流滿

地頃刻死

善志新補

王錫庭業屠己三世矣家累數千金欲已之而積以利不能割乾隆某年元旦啓門見有翦著門上心惡之歛然神迷拔翦自刺其頸倒地作猪聲家人奔救幸不死自此改業輒耗其

賈或謂之曰復故業乎錫庭曰我不悔也既而妻及三子相繼死貧甚訓蒙自給越十年復娶妻生三子其一名泰者游於庠食貧養福子能讀書天之與之不既多乎

節天  
恩錄

嘉慶十年九月 聖駕謁 陵羣臣進詩冊陳鴻墀邀 睿賞

蒙 珍賞有紀 恩詩云獻賦才名慕子虛 尙方珍秘

寵頒初文章豈稱詞曹職姓氏偏邀 御筆書錦緞裁衣同

縮蟒荷囊垂帶抵金魚青衫十載人憔悴喜趁天風響佩珞

先期釐祝効呼嵩 綵仗欣瞻瑞靄融選學平分秀才半詞

林私幸吉人同編書舊映觚稜日簪筆新吟殿角風自被

恩榮慙報稱勉思砥礪答 宸衷鴻墀著有抱簫山道人稿

清而聖腹與葵衣老人頡頏上下如雲如龍風雅之宗刊落

### 齊梁金粉矣

尊德會九老各賦詩一章體格互異沈文憲序而刊之固極一時之盛嘉慶丁卯元宵後五日沈侍御薇軒與里中趙岳輝金點華顧桐圃陳映波顏咸中程肖桢俞次剛張酉樵繼作九老會集於顏氏陋巷之碧巢薇軒作長歌曰九人六百六十春天上首座屬上賓八裘鬚眉無與倫仁山先生母族姻一別州載隔音塵握手共訝髮如銀虎頭文藝振紫宸一行作吏江之濱清風兩袖莫嫌貧著作之富已等身況有衣鉢廣傳薪陳遵雄辯驚四鄰談禪往往挾嬌嬪空色色空何必論掀髯一笑意常伸顏程二子盡能文少司筆硯共陶甄厥後分馳南北輪一宰繁劇稱良臣一侍椿萱宗振興白頭依

舊結雷陳俞子今年屆七旬學術淵博道德淳餘藝更愛手  
談兵山中甲子無晨昏張旭久傳草聖名更於隸也得漢秦  
衆中最少甲己旬參予末座成九人詩情酒分合相親此會  
綿綿惟率真諸人行誼不少概見觀此詩可知其梗概其後  
咸豐壬子春三月程鶴巢錢漢佐許甘泉輩亦集里中耆舊  
九人長者年八十五最少者亦七十設筵於城隍廟之敬遠  
亭甘泉有序以紀之

嘉慶十五年十月某夜三更陰兵四起東南鄉尤甚若遠若近  
有千軍萬馬之勢鄉間鳴鉦喧喊五鼓方息明年大疫攷北  
齊書世祖河清三年六月晉陽訛言有鬼兵百姓以銅鐵捍  
之然則鳴鉦驅鬼有自來也咸豐以後亦屢有其事同治初

更甚或曰兵燹後冤魂厲魄凝聚使然

嘉慶某年夏古聖堂巷旁有人夜臥樓上畏熱啓窗取涼夜過  
半聞喁喁如人語聲樓故臨街起而窺之不甚了了心知爲  
鬼急以溺器投之忽作鬼嘯聲向南而去既而疫大作凡自  
巷以北無一人染者

太平坊尤姓婦蔣氏不孝其姑姑死猶詈不止道光三年清明  
日婦以母喪詣塚祭畢焚楮飛火著其身頃刻衣襦俱燼體  
亦焦爛逮家而絕既殯電光三帟繞其棺蓋天誅云

節天  
咫錄

拔貢生謝沂爲諸生時夢至文昌閣見簿書滿架抽閱一帙上  
注其友費洙爲貢生某戚爲進士又一頁己名在焉下墨筆  
作進士以硃筆塗改拔貢二字後三人並驗

道光六年鄉里驚傳有叫人姓名者誤應之其人輒死於是相戒莫敢出聲即鄰里傳呼須靚面始應有過客問途羣毆之幾斃又言妖人能剪紙爲人入人家割取幼女乳及童子勢者人心洵懼此事辛巳年曾有之小兒各紉紅布一幅繫胸前腰下謂紅能辟邪也

鹿蕉談柄

近鎮一帶本屬水鄉不患亢旱而患水潦道光三年夏大水成災田廬淹沒西北諸鄉尤低窪而災更重迨二十九年夏五月淫雨不止而月而水災成米珠薪桂民不聊生奉官府請歛募捐賑給

陳範川先生鴻墀道光中掌教越華書院嘗築亭於院題曰載酒亭環植花竹招諸名士如吳石華曾勉士及弟子陳澧輩

論辨書史酬酢歡暢間述乾嘉時名臣碩儒言行感憤時事

慷慨激昂

見陳澧東塾集

土地橋西有五聖廟柴某守之日以炷香禮佛爲事暇則遍行里中拾飯粒棄地者攜歸淘淨食之一日脫化里人往視之有數毒蛇潛伏牀下衆大驚異因擇橋之東立小廟塑像以祀相傳爲柴土地云

鎮南晏公祠有鐵鐘二鑄自前明萬曆二年覆於地下人莫敢動或曰以鎮風水移之則里中必火

道光己酉重陽前陳堯夢見浙江鄉試全錄其第五名斜塘程步雲榜發果驗因耶想耶夢神狡獪如此

僧西嘉道光時居化成庵性頗瀟灑諷經之暇兼工清歌嘗畜

一鸚鵡教之度曲已爲楸笛字字入拍隔院聞之與人無異  
後爲某紳富所賞酬以百金強奪以去乃易人楸笛而鸚鵡  
噤口無聲不得已仍歸西嘉後鸚鵡死爲封土以瘞之善志  
道光二十年以後地屢震咸豐三年三月初七日夜地大震窗  
櫺屋瓦並搖撼有聲連日屢震地生白毛五年正月二十九  
日地震十一月二十七日二十八日地俱震牆屋搖動河水  
沸騰地生白毛六年正月二十六日夜西南有大星向東北  
流光芒四射隆隆有聲六月亢旱枝河皆涸秋蝗災米價騰  
貴石七千錢八年秋地震民病疫八月彗星見西方光芒數  
丈月餘始滅十年六月西北一大星東南行有聲九月初六  
日粵匪陷楓涇十月初八日天鼓鳴十一年五月彗星見長

互天七月初九日夜星隕如雨八月朔日月合璧五星聯珠  
十九日夜鬼嘯醜醜遍地皆是十一月十二日晨雷十二月

二十五日大雪旬餘平地積五六尺河盡凍半月始解

參善志

陸誠埔字依圃人頗誠恪居小橋內咸豐間商滬歸有戚住太  
平坊款留晚餐還家已夜分途無他人行過通津橋忽見一  
婦身穿大服腰繫紅裙時正酒後矇矓不辨其是人是鬼婦  
向陸云我欲至鎮西某處因路不諳懇君一領陸領之偕行  
至其地過一橋婦止陸曰我已識其所矣君請歸一路行時  
覺燈光甚暗至是始明陸異之酒亦慚醒姑立望之見婦到  
一家門前側身向門隙而入始知是鬼不覺悚然急趨歸寢  
明日探之則其家一婦已縊死矣陸乃爲人言之

新纂

同治元年夏大疫秋米價踊貴斗米千錢咸以豆麥雜煮而食  
 三年六月初十日夜大風拔木時兵火所餘屋半傾圮壓斃  
 六七人後數年當秋間輒多大風五年七月十八日天既暝  
 忽東南上閃爍有光似電非電雲影迸裂星斗俱沈欵變紫  
 色瞬息若墨而星斗復出矣九月十五日地震六年十一月  
 初四日天未明有星見震方色白形長如龍有頰尾卷而上  
 圓如日其色赤其光灼然達旦而滅七年七月朔日食既九  
 年四月十三日大風毀屋十一年三月十一日大雨雹十三  
 年二月十八日申刻日見三影夏金星過日面

參善志

劉仲良統領克復嘉興後還軍過楓涇小住時天氣已熱在太  
 平坊皂筴樹下小坐納涼命小隊攜鑪煮茗頗有大樹將軍

之風然鎮上房屋粵匪擾後所遺無多自劉軍駐紮數月又  
 被各營毀作柴火而鎮屋益少矣故民間又有劉拆屋之稱

新纂

粵匪踞境時無賴受僞職者倚賊勢魚肉鄉人如狄金和戴阿  
 農輩或為賊殺或事平後伏法賈田徐文元為惡尤甚有受  
 其害者憤訴諸賊賊殺文元剝腹抽腸懸其首於城隍廟前  
 蟠槐樹上次日有羣犬踏肩而上銜其首爭食之

真通海慧寺僧嘗主方丈粵寇之亂避難泖塔時黃軍門武靖  
 公駐師澄照寺見通頗相契合通有進言靡不允許一日營  
 中擒獲十餘匪已議駢誅通詢知內有六人係近鄉新擄非  
 甘心從賊者且年均少家有父母妻子憐之為言於軍門留

在寺中服役軍門許之後家屬聞知爭來迓歸而六人亦頗  
有天良言僧恩未報不願歸事平通欲仍歸海慧遂喚六人  
各畀數緡遣歸而六人之得還故里皆通之力焉

新纂

同治戊辰五月陸莊蒲漉浜鄉童陸阿福年十三歲見廬前橙  
樹上有一蛇恐其毒人遂與鄰童共斃之棄於厠未幾忽見  
樹上蛇集成羣四方來者愈集愈多幾至千萬場圃及門外  
皆是陸父母大駭詢知曾斃一蛇乃重責之備禮而虔禱也  
越一晝夜羣蛇始去陸得無恙

善志

李鶴君解元故宅在柏學士茅屋之左庭有古松一株相傳植  
自前明後其居屬胡氏庚申罹兵火屋宇悉毀而古松獨森  
然無恙同治時李春農上舍築室其下顏曰西疇小築而蛟

舞蚪蟠盛於古昔

嘉善羅星臺有武聖畫像係鎮人黃世樞所繪相傳病祟者得  
懸像堂中祟即退求者甚衆僧恆以匱者應之光緒中一病  
家求得像欣然懸挂病者作崇語曰假聖人不能嚇我也筆  
墨有靈神明亦呵護而憑之歟

嘉志

貞孝節烈載入列女傳嘉興府志並載壽母年皆九十以上者  
縣不過數人耳吾鎮如歲貢生張心培妾節婦周氏陳治備  
妻節婦黃氏監生王壩妻程氏壽皆九十餘蔣祥麟妻周氏  
年九十八殉粵匪之難封職畢樹基妻封宜人張氏年九十  
民人胡某妻金氏

鎮北人

年九十七叠遇

恩賚洵稱人瑞

光緒戊子歲八月朔月鎮北市上張燈三夜遠近士女空巷來

觀途爲之塞河中舟楫幾不能通自咸豐己未後重觀昇平  
景象青浦仲咸熙有詩曰盛游難再憶前游病裏思量益我  
愁猶有樓臺懷舊跡依然燈火鬧中秋笙歌徹夜天難曉尊  
酒連宵容易留回首卅年如夢裏故交零落半山邱

新纂

封職郁以溥妻程氏生子宗蕃乙亥舉人揀選知縣同知銜德  
棠附貢生德枚布政司經歷德標歲貢生就職訓導孫曾繁  
衍光緒中親見五世同堂亦鎮上近時所罕有惜未獎而歿  
享壽八十有二訓子有方鄉黨稱賢母焉

新纂

光緒二年五月訛傳有紙人壓人剪辮之事以硃書篋篋篋  
四字於黃紙貼戶牖間謂能辟邪人心驚惶至七月始定又  
傳有戳印之說鎮南有人納涼月夜憑欄而坐忽覺臂上有

異就火燭之見膚上紅暈圓徑寸濯之不去後亦無恙七月  
金星晝見三年五月二十三日大風留春亭石柱吹倒其二  
六月飛蝗蔽天尙不傷稼十一月屢雪至次年正月始止是  
歲大稔五年三月某日地震七年夏秋彗星見西北八年秋  
東方起大星有白光一道長丈餘二更始見天明方隱半月  
而減田禾歉收九年夏旱冬日沒時東南紅光燭天如火星  
斗上猶未退數旬始息十一年十一月二十一日夜流星滿  
天自北至東南唧唧有聲終夜不息十五年秋八月至十月  
淫雨四十日善界田低禾盡淹無收民饑平糶撥款發賑糧  
賦不徵十七年夏秋大疫地生白毛十八年正月初五日雷  
十六日晝霧五月初八日九北區陳家浜郭金安妻一產三



男九南區戚家浜范姓家畜一豕外皮忽脫色白而身光飼之如常十一月下旬嚴寒河蕩堅冰十餘日舟楫不通十二月初十日大雪二晝夜平地積三尺十六日晝大霧雨雪花木多死二十年正月朔日食二月望月食三月朔日又食夏

秋旱

參善志

秦西通商其大宗爲洋藥稅設海關以征之浙江則設關於甯波顧錢塘江以北多由滬運進光緒十三年設分關二一在南潯一在鎮南初餽古茶亭後建屋城隍廟旁不徵釐稅但稽多寡給驗單蓋鈐記以杜偷漏委員葉別駕撰聯云楓陞恩流汪洋似海涇川春暖花藥當關按楓涇洋藥海關六字軍興以來設釐捐局奉賢鄉有釐卡二一在張涇匯鎮一在茜

涇俱屬浙江商民運貨物經過例當捐釐而鎮南鋪戶由江蘇境運物至鋪非經二處過者不在稅例光緒初茜涇卡又分設於鎮南圓明橋側由是運自蘇滬之物再須納稅矣

鹿蕉談柄云吾鄉近海潮汐晝夜兩至不爽時刻潮生則水自東來潮落則水向東去近日淫潦不止上流諸水下瀉晝夜東流不能西向但驗溪痕暗漲知是潮生幾如錢塘之弩潮頭退避光緒己丑八月下浣淫雨晝夜不止逾月始晴驗諸溪痕正如所云鎮以南屬善邑地低窪遭淹沒者禾半不登大吏奏報 朝廷蠲賦發帑賑給在婁境者受災較輕云

同善會卹貧外且施棺用以收殮路斃其他弗與焉光緒初里人沈晉康郁雲辰畢廷榮輩集股百餘名曰代賒會凡貧人

有喪弗克具棺會中爲之代市他日僭者納之弗償弗問也  
歲多至百具沾惠者不少矣二十八年夏疫氣大作市構一  
空里人陳銓衡僧祖望立會代賒棺木繼續至今

光緒二十一年正月二十三日夜雷六月初四日太白入月九  
月十五日十六日雨雪天寒時未立冬二十一日戌刻地震  
先有聲如雷二十二年三月二十二日午刻地震七月朔日  
日食二十三年七月有蟲傷稼鄉民告災甚衆十二月十五  
日夜月食二十五日夜寅刻地震二十四年正月元旦日食  
二十五日夜雷雨二十五年五月十六日夜月食十月十二  
日夜丑刻星隕如雨十一月二十八日夜地震二十六年三  
月初十日巳刻晝黑五月二十三日大風自鎮之西北起過

缸鬘匯一帶直向東南而去人家樓房震動屋瓦皆飛牆壁  
傾圮不少重大之物有吹至他處者張家橋以南人皆不覺  
惟雨大而已二十七年九月十六日夜月食十月初一日日  
食二十八年三月初一日日食天陰不見八月十六日夜月  
食是年大疫三十一年八月初三日大風潮水漫溢旋退三  
十二年六月十五日夜月食既八月十七日白虹貫日十二  
月初一日日食十六日夜月食三十三年四月初六日鎮上  
雨雹嘉善不雨秋有彗星見東北方宣統元年五月初一日日食  
六月十五日白虹見東方十月十五日夜月食十一月二十  
七日亥刻地震二年九月初一日日食新纂

光緒三十三年十二月二十五日日本大東輪船自滬至杭在

楓涇東北遇梟被劫外人與官交涉索賠上游因派甯軍徵兵數百人來楓其三十六標分駐鎮南城隍廟三十五標分駐鎮北海慧寺正在防堵至三十四年正月十九日忽有梟匪首夏竹林由金山竄至楓涇南柵有船七八十號衆數百先遣四匪至廟託名燒香圖劫軍械幸甯軍隊官彭維傑窺破梟匪立將四人殺斃排隊出廟匪已上岸撲營遂即開仗一面通知鎮北徵兵督隊梅永貴崇歡暨隊官黃廣源奮力率隊前進在高王廟基地交綏匪力不支棄船大敗是役也除力殺四匪之外槍斃十餘匪打傷二十餘匪擒獲十餘匪奪獲匪船三四十號匪首夏竹林先被隊官彭維傑擊斃次日清晨松江知府戚揚婁縣劉怡聞捷泣楓江南提督劉光

才亦至犒勞各軍並驗匪屍駐楓數日遂將擒獲之匪帶至松江嗣於二月初訛明稟請督撫飭卹在松正法又飛划管帶凌秉忠率隊兼程趕至已在二十日黎明不及接仗知敗梟西竄追擊至楓涇西鄉十二里之楊字圩遇梟該匪且戰且遁當被凌秉忠生擒匪黨十四人匪船十二隻內有匪目張得勝一名押至楓涇認明已死之屍確有夏竹林在內鎮紳陳銓衡葉理封等因將督隊與隊官等出力情形公呈江督蘇藩兩標徵兵皆得優賞後江南總督端方聞謠傳梟匪欲率大隊至楓報復陸續又調撥徵兵數百人至楓防堵仍分紮鎮南鎮北共有千人之多越數月聞梟自楓涇敗後爲首者先後被戮餘黨已散徵兵旋調去其在戰時三十六標

內排長潘海秋奮勇斜出被匪圍擊陣亡鎮人憫之爲立木


主附祀彰義祠

新纂


楓涇鄉董沈椿因縣中發下給鄉民築隄岸銀洋五百九十八圓當即購買蘆席毛竹等洋一百八圓有奇分給各區使鄉民挑填隄岸又於新橋堰庫浜等處挑築圩岸工洋三十五圓尙餘之洋因本區官塘被水冲破三處低田易於淹沒公議建橋洩水爲一勞永逸之計預估需洋一千餘圓已通知城自治公所發起聯合會議定期開工不料四北區鄉民疑沈侵吞遂聳動數百人於八月二十日蜂湧至楓先毀自治公所又毀勵志養正兩學校復將椿與從弟樞兩家住宅搗毀府縣聞警調派董張兩管帶率兵莅楓彈壓該鄉民等聲

言尙要至俞家匯姚莊橋兩處打毀學堂該管帶恐再肇禍端至次日黎明下鄉保護道經吳家浜適與該鄉民相遇該鄉民即將小港堵塞執械兜擊該管帶等猝陷重圍不得已施放空槍以圖脫險詎該鄉民等並不畏懼圍逼益近防兵無計可施始開槍擊斃鄉民男婦九名口鄉民稍退防兵乘間退至楓涇適椿與樞由滬由松聞信返里得悉全家被毀赴縣申訴該鄉民等已探悉聞至縣前將椿毆斃於縣堂將樞毆斃於照牆下越二日雖經府縣蒞驗家屬猶不敢到城託人收殮寄柩於東門外殯房情殊可慘此辛亥八月二十一日之事爲國朝二百餘年鎮上所未有故特記之

新纂



70010226



梅  
江  
小  
說



